


夢林玄解

夢占二十一之三 終



漢書門			
九	六	三	類
七	三	號	函
一	〇	架	冊

內閣文庫			
漢	書	類	九六六三
函	號	冊	一〇
架	冊	函	三六

內閣文庫			
番號	漢	9663	
冊數	10 (10)		
函號	306	10	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



夢林玄解卷之二十一

淺草文庫

夢

珍玩部

金銀

珠玉

錢鐵

珍寶

金銀

金光燦爛

大吉



金曰從革。五行之一。地四生金。天九成之。其色有
 高下。紫赤為貴。黃者次之。青者又次之。其光焰煥
 發。射人奪目。夢此者。文士姓名顯揚。武人爵位高
 遷。功名赫奕。威光爛爛之兆也。但疾病反覆。獄訟
 刑傷。此外有志必成。無往不利。○夢鎔金者。事有
 更端。不出範圍。夢堆金者。官上加官。富而益富。兒
 孫子女。俱為佳器。夢敲金者。文韻鏗鏘。聲價高貴。
 夢得蒜條金者。每事條達。年壽益算。夢麩皮金者。
 百凡有益。尚須磨煉。夢煉金者。事不厭精。求謀遂
 意。夢送金來。刑尅事平。夢失金者。主財利散去。訟

占

夢林玄解

卷之二十一 金銀

夢占

者罪釋病者得愈。夢金箔者。性體輕揚。凡事須防有飄泊之危。

紫磨金

占 紫磨金。謂之楊邁金。范邁母。夢人鋪楊邁金席。與日 已生兒。兒生。席色昭晰。後生子。名曰邁。為林邑王。

馬蹄金

京師兵士鬪喜。以賣果為業。宣和二年六月。喜賣瓜于東水門外。汴堤叢柳間。所坐處去人居百步。午暑。喜盛柳陰尤茂。因少憩焉。夢中若聞木杪呼小兒。繼有應者。呼者曰。物在否。應者曰。在。如是再三。覺來仰視。一無所覩。惧不自安。欲歸而妻饋食。適至。具以語之。妻曰。老人腹虛耳鳴。妄聞耳。明日復如前。妻曰。伺其時。應答聲畢。遽曰。既在。何不出示。喜如妻言。果于樹間擲金百十顆。四顧無人。亟拾置瓜籃中。見形製甚異。不識何物。妻適饋食。復至。曰。此馬蹄金也。以所坐敗篋覆蓋瓜籃。共昇而歸。僅行百步。重不能勝。暫寄張家茶肆。出募擔脚。挈取。張訝其倉皇。發籃見物。悉以瓦礫易之。喜去。

婦不復閱視。及家始覺。妻曰。姑勿言。明當復用前策。尚可得也。泊坐樹下。一無所聞。乃效其呼小兒。復應曰。諾。喜曰。再以昨日之物來。曰。亡矣。問何故。曰。已煩汝送與張氏矣。喜將訟于官。妻曰。鬼神不與。雖訴何益。盍謀諸張氏。張曰。物已歸我。汝老而無子。多貲亦何為。館于吾門。畢此一世可也。喜乃止。

金鈴

梁任昉母裴氏。夢旗角懸金鈴。一鈴落人懷中。遂有娠。生昉。八歲能屬文。仕為御出中丞。

金盛吉

盛有魁首之義。頂戴之物。夢此者。謀望不疾不徐。自然恰中。商賈作班頭。文章為魁首。姻親雖佳。但曰 恐非匹。欲求失脫。其物竟成烏有矣。

金爵吉

此兆。文人夢之。爵位高遷。各書桂籍。武士夢之。勛
猷蓋世。影畫龍樓。人若餽至。越人班次。若以遺人。
須防落職。見之于家。吉事。

金匱

貞吉
否凶

匱者。乏也。夢之者。財氣耗竭。如匱中有金。則為士
人之資。藏器而動。應在庚辛申酉年月。求謀得濟。

金牌懸掛 凶

占 夢此。當有緊急之事。必主大人號召。志
士遇之。而扼腕。勇士值之。而喪氣者。

金帶 吉

金帶。命服之飾。四品以上得束焉。夢此者。其古不
同。仕宦夢之。位登顯要。文天夢之。腰金有日。武士
夢之。邊疆重鎮。有刀兵圍里。商賈夢之。價倍腰纏。
病者夢之。束定主腰損之災。婦女夢之。當是血崩之
症。婚姻夢之。得良緣。孕婦夢之。生貴子。爭訟者夢
之。被人拘繫。失物者夢之。其物未散。猶可追尋。夢

金鼎 吉

繫于身者。官事至。夢與人繫者。喜事去。夢手內
持帶。年壽永遠。子孫榮貴。夢銀帶者。無不利。

占 此夢為革故鼎新。三分鼎足之兆。夢之者。百事宜
思建立。不可因人成事。懷孕者。夢之。必生男。當是
廟堂佳器。日
後自然煥發。

大金鐘 吉

占 聲聞天壤。食享天祿之兆。凡事不鳴則已。鳴則人
鬼皆驚。但金聲為始。條理靡不有初。鮮克有終。夢
此。必慎終如始。方為大吉。惟病人
不宜。無聲主凶。鐘鳴亦非吉兆。

金剛鑽 吉

占 金至堅。剛至銳。鑽者。於無隙處尋隙。無所不入。人
能堅心銳志。而又濟以研窮之力。天下何事不精
透。所謂有志者事竟
成也。夢之。豈不為吉。

金丹 吉

占 夢此者。凡事工力已到。火候已足。濟人利物。功成名遂之象。夢吞者。愚蒙頓生知覺。聰慧反若迷塗。產育臨盆有慶。疾病勿藥有喜。

金彈丸 吉

占 此不惜費。用度奢侈之象也。富者夢之。樂施與貧者。夢之。得周濟。久別夢之。必主旦暮會合。懷孕發之。當生奇異兒郎。

金仙 貞吉

占 此兆。見凡事當急為猛省。不失機會。祇恐光陰陽過。時日不再。金者西方之形色。仙者仙遊之景象。日不足為善。惟日不足可也。

文六金身 吉

占 此兆者。其人必慈祥愷悌。仁心仁聞。胸中不事虛華。不設城府。度量包含。徧覆功德。彌天匝地。立志精修。虛心問道。乃是無上正等正覺。非復見相色莊貌。恭之比。機緣甚深。福報甚大。因無我相。舉止無不稱心。惟其能仁。動靜皆能得體。大吉。

金冠 吉

占 金乃天地之精華。乾坤之靈秀。人間至貴。經劫不磨。冠為首服。圓覆象天。其義更大。又以束髮而不使亂。再以裝飾而儼威儀。士子夢之。功名唾手。仕宦兆此。入則絲綸黃閣。出則掌握元戎。商賈經營。得貲萬倍。若欲遨遊四海。或隱逸山林。則不能遂其志。蓋以受被制束也。

又 清宵熟寐。夢金冠。此兆。休將碌碌看。鳳闕承恩。春色蚤。雞聲待漏。曙光寒。庶人動靜皆成吉。眷屬諧和。總屬懽。偏喜世途名。利客。豈宜幽隱道林巒。

金魚 吉

夢林玄解 卷二十一 金銀 夢占

占 金魚乃古昔高爵大貴之所佩服也。又中今時雁幣中之禮物其品也。貴而不賤其禮也。偶而不奇。凡人夢之。主享榮華。諧伉儷。惟病者不宜夢之。如涸轍之鮒。生幾絕也。高官尊爵。腰掛金魚。奠幣聯盟。禮重于初。孕懷夢此子生。璠璣既利行動。復利居諸。

金猊

占 華屋春深。金猊香噴。此景象之富貴者也。煙銷寶篆。銀漢參橫。此又景象之闌珊富麗中之寂寞者。也。夢中之况。想其濃。淡以定吉凶。可耳。沉檀初爇。噴金猊。兆得泥金喜報奇。寶鼎煙銷。蘭麝冷。豈堪名利兩相宜。

金貂

貞吉

占 金貂乃閹者所戴之飾也。若夢之。主陰長陽消。小告之諫。百凡可。以挽禍為福也。

金釵

吉

占 倦來假寐。夢金貂。陰道將盈。陽道消。惟在吾人。脩德業。幹旋大造。荷鈞陶。金釵。女子之飾也。女子好也。釵必借偶。成雙之兆也。又婚禮之所必需。一定不移之徵也。占之為夫婦。諧老吉慶相逢。僧尼夢之。恐有還俗歸宗之事。昨宵清睡。夢金釵。目下應知好事諧。若在僧尼。為不稱。肯將春思閉空齋。

金鐶

凶

占 金鐶耳璫也。脚有屈曲之形。物為懸綴之飾。夢之者。主事多勾連。逢中心不正之人。謀為不實。言出虛矯。之詐。金鐶耳飾。夢中逢。隔面猶如千里同。作事還憂難。轉合却因咫尺各西東。

金鈿

不利

占 金鈿者百花攢簇。又如初月之形。夢此恐頭緒繁多。心思不一。志念未能滿足。平生不得舒懷。且守已待時。自然獲福。

又 金鈿弓形。巧樣粧却於夢裏。鬪春光。祇緣世事多繁冗。魂魄還依幻處狂。

金杯 吉

占 金杯乃綺筵。酌勸滿泛。瑤漿士子夢之。主賜宴瓊林。老人夢之。主稱觴捧壽。未娶者。佳姻天與。合巹風流。未嗣者。誕育祥麟。孔釋抱送。更喜執持把柄。尤宜謀望經營。

又 夢中喜得捧金杯。占此須防樂變哀。持滿處盈天所忌。善為消息預培栽。

金磬 不利

其形中空。其聲清遠。禪林道院。每擊之以按梵樂。仙音作几松牕。靜聽之以澄心淨慮。凡夢此者。非壑鶯俗輩。乃此外風流。但商賈求財。經營病業。不宜夢此。恐室如懸磬。貧乏之應也。

又 一聲金磬韻。悠揚月澗。風松籟共長。自是一般清趣味。却來夢裏豈尋常。

金盤 大吉

占 金盤承露。昔漢武宮中事也。金貴美。鎮重之物。盤圍圓相合之器。夢得此兆者。文人士登甲第。沾渥承恩。無人家道豐隆。人丁和順。商賈資財積聚。僧道悟法。丹成未娶者。主有佳人配偶。懷孕者。定生俊秀兒郎。惟獄訟沾身者。未能脫白。

又 夢中恍惚見金盤。閃爍光芒。膽氣寒。固是貴徵。佳兆。斯人他日侍金鑿。

金瓶 貞利

占 金瓶乃瑤華之器也。或以盛酒漿。或以供花卉。空而常滿。滿而不洩。貯之。繡戶華堂。列之。綺筵翠几。但。有口無足。有耳無目。此兆。恐富貴中之不足。親密中起怨疎。凡事在人。改圖不可恃。其全。美自然。獲吉。

又夜得金瓶夢。寤來豈是真。美中防不足。怨內有恩人。

金毬

吉

占 金為重墜。毬乃圓轉。凡夢得此兆者。他日可握大任。而得活變之機。目下只要守正持身。待時發動。士子文思如流。商賈生涯轉轂。婚

又 昨宵一夢是金毬。天付機緣豈用求。目下運通如轉轂。從前湮鬱不須憂。

金針

吉

占 金針有按穴施砭之功。撥雲明目之用。拈來補綴。秋閨少婦有餘思。密線牢縫。慈母倚閭頻盼望。得此夢者。平生未遇。將有奇逢。病久不痊。將逢醫聖。商賈利于遊遠。行人尚見遲遲。功名考試。主司如

又 夜來夢得見金針。針芥相投契合深。久困未遭興永歎。於今將以遇知音。

金鈎

利

占 朱簾高捲。翠幙低張。不藉金鈎。安能明覩萬里。夢之者。主交人開心穎慧。學業蒙昧者。忽爾開悟。臨官燭幽洞。隱民情蔽匿者。破其奸宄。常人時運方亨。利源通達。行人有阻。金鈎高捲。芙蓉帳。文章事業雲霄上。一夢醒回萬事亨。卷舒在手憑恢族。

金甲

吉

占 光芒炫耀。性質堅剛。冒矢石以無前。衝鋒刃而敢後。凡夢此兆。當為守志不屈之人。則雖遇強梁。自

能退。

又 伏。金甲光。芒。夢裏披。秋霜。豈待曉風吹。堅持一點。葵心赤。滅虜降胡事。果奇。

金鐸

貞利

占 金口木舌。施政教時。得此夢者。居官政令大施。風行草偃。聲教四達。國治民安。儒者名譽日聞。遠近

占 仰服。九流術業大行。惟齋本商賈之人。不宜夢此。以取聲不取質。名多而實少也。木命人有病。若得此夢。為不起之疾。以金口。

占 又 木舌。乃是金木相尅之義。木鐸。又名金鐸。天將夫子施為。文章事業果稱奇。價重連城無比。○惟利九流等輩。難教商賈藏貨。恐防木命有傷悲。相尅。豈宜見此。

金絡索 吉

占 寶珠。嬰珞。結串成行。色相莊嚴。一塵不染。夢此兆者。士子主於詞林翰苑。即未能仕宦。亦不失於文。

日 墨清高。商賈錢財萬貫。未娶者。有女端潔求婚。

占 又 黃金絡索成行。列宮宮裝飾垂。曾結此夢。應知兆不凡。人和更得中心悅。

金勒 貞吉

占 勒。馬銜也。金馬勒。即白馬嚼嚙黃金勒。乃淫佚驕奢。樂極悲生之象。凡夢得此兆。須愈加省約。不可。

金牛 吉

日 恣肆妄為。則仍有控馭之力。可以服人。可以壓眾。不然。便有奇禍至矣。

占 又 金銜。玉轡。馬聲嘶。好向春風踏翠堤。淫佚夢回。能戒傲。何愁林外鷓鴣啼。

占 秦惠王欲伐蜀。置五金牛。用金于後。蜀人以牛便金。故謂之金牛。蜀主使五丁力士鑿山取牛。秦遂伐蜀。凡夢此兆。有國者。可以并吞土地。士庶可以增益家業。然必守身持正可也。

占 又 夢中忽忽見金牛。牛土生金。兆正優。創業恢基。弘壯志。春花秋月任遨遊。

金闕 同占

大吉

一為天上玉帝之庭。一為人間至尊之宇。凡夢此兆者。士人主承恩渥。入侍天顏。常人主財利興隆。家門發達。一切皆吉。惟病者不利。

占 又 若人夢裏朝金闕。光明燦爛如秋月。士人平步上青霄。經營利比春潮發。

還金 貞利

張仲淳有商投宿。因病而卒。行裝有金十兩。乃遣人召其妻護屍持金而歸。又甄彬嘗以苧質人及贖。中有金五兩。送還。人問故。乃曰。五月披蓑負芻。豈有餘金。今若夢此兆。雖云失利。能行善事。修陰德。仍可返凶還吉也。

償金 吉

前漢直不疑為郎。有誤持同舍郎金去。意不疑。遂買金償之。後歸者返金。郎大慚。稱為長者。夢償金者。當失而復得。凡事先曲後順也。

得金 貞利

孟頤養親不憚辛苦。後掘地得金。家致巨富。又郭巨至孝。生子三歲。母嘗減食與之。乃掘坑埋兒。忽見黃金一釜。得此夢者。為大不利。然力行孝道。曲為脩省。則能變凶成吉。

却金 吉

李郡君有賢德。嘗有貨珠子老嫗至第。既去。遺珠在地。郡君得而還之。老嫗感贈黃金六兩。郡君却而不受。此兆主有失中復得。先難後易之徵也。

賜金 吉

唐太宗太子好嬉戲。于志寶數諫之。太宗嘉其直。賜黃金十兩。夢得賜金者。當有殊遇。士子承恩。經營獲利。然秋冬夢之。大吉。若春夏為不佳。

散金 吉

疏廣為太子太傅。乞歸。上賜黃金千兩。日與其宗族鄉里流連宴樂。散廢金帛。不欲遺子孫之憂。若夢揮散金帛。家道安寧。若國君乃散財得民之兆也。

埋金

夢林玄解

卷三十一 金銀

七

夢占

命也。金為燦爛光華之物。若夢埋藏。士子未能發揚。待時而動。直至甲乙寅卯。或太歲納音屬木之年。始能疏通暢茂。方得濟事。商賈主路途遲滯。幸無盜賊之虞。婚姻成合而美。娠孕生子而佳。病亦無妨。以金為西方之白虎。白虎張牙。喪亡立見。今得土之埋藏。以遏其兇猛猙獰之勢。故不至于嚙人害

命也。金是人間至寶。豈宜土內埋藏。士人未得顯文光。難遂心雄志壯。○守靜安常處順。還期氣運亨昌。病人雖重也無妨。木旺春榮敷暢。

鎔金 吉

凡夢此兆。主學業日進。頑鈍日開。查滓漸消。精純漸見。出家之輩。悟道圓成。常人若有讎怨向來。結構。今得解釋。

分金 吉

昔管鮑分金。此夢主得相契之友。有益於已。士人遇直諒多聞。有過則諫。道義相勉。常人逢豪俠仗義。患難相扶。不惜貲費。不拘男女。夢之。當有好姻至也。

堆金如山

此兆主詞。瞻學富之徵。文人當為大儒。經營定為巨室。若有光焰上冲者。聲振宇內。若光焰銷沉者。反有疾病喪亡之憂。

金沙布地 凶

黃金鋪地。為西方勝境之象。雖曰莊嚴富貴。以吾東土論之。實涉玄虛。若得此兆者。恐作事未能遂意。圖謀未得稱心。病有西歸之慮。夜來夢見金鋪地。恍似蓮花世界中。若悟無為真實相。方知幻影盡歸空。

斃金作塔 大吉

階級也。以金楚之。如士子之文章日富。而得售於帝王。以漸而進階級也。上吉之夢。即常人亦得家計日降。以漸而擴其基業也。事事如意。更能修德以應其占。無不為美。
又 夜夢聚金階。文光映上台。鳳鳴昇旭日。魚躍動春雷。

冶金成器 吉

此兆。主士農工商。三教九流。隨其才力。無不為佳。但必各盡其心。竭力鑽研。則名得成。利得就。立身於世。為有用之材。
又 庶幾不負斯夢也。
又 夜夢黃金在爐冶。鑄成彝鼎古而雅。盡力精心具妙材。庶無辜負佳徵也。

點鐵成金 吉

使頑鐵變為精金。此得神仙點化之術也。士人夢此。當遇明師。如坐春風化雨之中。必成大器。尤商賈夢之。亦皆轉鈍為利。變惡為美。

磨金作屑 利

又 點鐵成金夢亦奇。春風化雨荷明師。魚龍鳥鳳飛騰會。凡艸靈芝變化時。
占 此兆。乃垢滓淨而光明。見士子宜自淬礪。當有進身之日。凡事在人切磋自勉。則名得成。利得就。

金甌 大吉

皇圖鞏固。海宇咸寧之兆也。夢斟酒堂前者。子孫衆多之象。夢把玩掌中。喜樂安康之景。若見傷缺。乃為不祥。

金印纍纍 吉

占 此大臣相天子。肘後所懸者也。夢此必大貴。位兼將相。合掌軍民。常人夢之。亦有執持。凡事有把握。

金鳳 大吉

占 漢宣帝賜霍光皂蓋車。車中金鳳亡去。黃君仲于北山羅得一金鳳。請闕獻之。俄又飛入光家。今夢

曰兆此亦富貴榮盛之徵。

金龜

五代時劉贊文思遲乃禱乾象乞文才一夕夢吞小金龜自後大有文思後夢吐金龜投水中不久

而卒

金鳥

吉

占昏暮時來畫閣中百年心事一宵同

寒雞鼓翼紗窗外睡覺東軒日已紅永康王曠井上有一洗石時見赤氣後有二胡人寄宿忽求買之未及度錢子婦孫氏夢二黃鳥鬪于石上明晨起視果見黃鳥相集急往掩取變成黃金胡人不知索市益急既得撞破石內空段有

二鳥處

處

蛇化金

孔子夢豐沛市有赤虺起見赤蛇化為黃金上有文曰卯金刀後漢高起豐沛

金化土

秦王夢與蜀王會獵于褒谷蜀王以金一笥遺秦王。盡化為土。秦王覺甚為不樂。臣下拜賀曰。土地也。今秦當得蜀矣。後果然。

淘金

占淘而得之。謀望雖有。不免費力。夢此者。求名淹滯。問利細微。子必眾中有貴。

持金

劉漢宏為董昌所囚。臨刑叱曰。我節度使。非庸人可殺。我嘗夢持金。若殺我者。其錢鏐乎。昌乃命鏐之。斬之。

得假金

凡夢此者。如鑿金裹金等物。有虛飾而無實相。凡事宜因仍。難以改革之兆也。不論是多是寡。或大或小。揔之不得貪圖妄想。

償金 凶

占 金為財貨。又主刑傷。夢人索金而已償之者。平常失利。獄訟得脫。主他人受刑之兆。

銀 貞吉 否凶

銀從良。良有良止不動之意。分毫假借不得之兆也。夢中見之。反非吉占。一毫一忽。不得妄貪。如非所為而為之。不但傷却天理。背乎人情。將自己現前之福。盡淨消折。異日方且酬償他債。百千萬劫。何時得清。求而得之。尚且不可。何況求之而不得也。宜審哉。○夢銀有把握在手。諸事遲滯。夢見低銀。行事虛偽。夢散碎銀兩。求謀隨手遇欺。頭頭被盜。夢見元寶。文章膽氣。夢見錠銀。出軍與賭賽。必主我贏。夢見半截銀。老病爭訟者。俱為不祥。又有夢銀得銀者。此性夢也。難以例占。

黃銀 吉

天台有人姓王。嘗祭廁神。一夕夢黃衣女子云。某廁神也。君聞螻蛄言否。于懷中取小盒于。以指點少膏塗其人右耳下。戒之曰。或見蟻子。側耳聆之。必有所得。明旦見柱礎下。羣蟻紛紛聽之。果聞相語云。移穴去。燠處。傍有問之何故。乃云。其下有寶甚寒。住不安。其人伺蟻出訖。尋之。獲白金十錠。

銀餅 凶

占 并奏而成。雖經煨煉。未入範圍。士人夢此。為有質而無文。可觀之象。考試不利。林水源裏有室。室前磐石上。列羅十瓮。中悉是銀餅。採伐者遇之。不得取。取必昏悶。晉太元初。民家僕密竊三餅歸。發視。有大蛇螫之而死。民夜夢神語曰。君奴不謹。盜銀三餅。即日顯戮。及旦視之。奴死而銀在。識此。則非分之才。不可妄貪矣。

銀燈 吉

占 光明之象。凡夢之者。行事不暗昧。得人照顧。士人夢此。學業有進。女子夢此。閨房久寂。

銀鈎 凶

占 張子原少有異才。多異夢。嘗作夢錄。記夢中詩曰。楚峽巫嬌宋玉愁。月明溪淨印銀鈎。襄王定是思前夢。又抱霞衾上玉樓。○夢此恐有勾引之意。私情有緣。有勾攝之兆。不吉。

銀硯 大吉

占 出自金山。用於記室。文房之重寶也。士子夢之。文字成珠璣。功名易如反掌。仕宦夢之。官品至銀臺。爵祿久得榮身。

銀甲 吉

占 此夢。甲為木。木有疏通之意。甲屬陽。陽有暢遂之機。况甲乃十干之首。求名當在第一。占孕所生必

銀盒 吉

占 男。訟宜忍辱。病亦無妨。○夢披于身者。戰必勝。夢受于人者。得護衛。○銀甲主吉。金甲主凶。

占 夢此。人事和同。英賢契合之兆。所作所為。因緣輻轉。我不同人。人來歸附。心孚意契。志同道合之象也。凡事皆吉。

人授銀筋 吉

占 夢此者。毒不能侵。害可以解。筋有輔助之意。作事定有人贊相。得道者多助也。求名問利。姻親產業。便有到手到口之妙。或得耳孫之力。或作副席之客。或有空舍為我居。

銀盃雙飛至 凶

占 盃字從不。不即非字之義。盃者悲也。夢之者一悲未已。一悲復來。傳于左則左哀傷。傳于右則右啼泣。口內啣者其凶更甚。不止一口舌之災而已。

銀碗 吉

占 夢此者。作事婉轉。有舒泰之意。無瑣碎之景。名利兩全之象也。婚姻得婉變之淑女。子嗣得和婉之兒佳。

銀壺 吉

占 岩前流水無人渡。洞口碧桃花正開。東望蓬萊三萬里。等閒歸去等閒來。

得銀錢 吉

占 夢此者。有長命富貴之兆。將帥出征。二箭可以立功。商賈經營。一文可以致富。

銀剪 貞吉 否凶

占 二字之義。山前用金刀也。居家夢此。防有寇盜。出征夢此。得滅賊徒。

銀瓶 凶

占 夢此者。財散失利之兆。瓶與貧字同音。人可使之貧乎。人而貧。財用不足矣。否吉。

銀瓜 吉

占 此兆。明明示人以剖割分析處也。夢之者。宜將財物剖分。調適人情。無私曲。無偏向。則能轉禍為福。

銀項簪 吉

占 夢此者。少年心性。揮束不可不嚴。若稍放逸。縱恣失錯。便在眼前。雖悔何及。直待年富力強。方為得意。方可釋念。大器晚成。黃花晚發之象也。末路榮華。故吉。

銀挑牙 凶

占 此夢一見。凡事當箝口。不可妄言。骨肉之間。恐有傷殘之兆。

銀包 貞吉 否凶

占 病人夢之。决能立起。訟者夢之。勝無他慮。遷居夢之。急難移動。文人夢此。不得遂志。銀屬艮。艮止不

曰 動况又包之哉商賈夢之雖不
大發保無失脫產者夢之得男

銀窖

占 此夢示人以藏不許人露藏則蓄聚機
日 深災輕禍淺露則顯暴昭著禍大害深

銀礦 吉

占 此兆為生生不已化化無窮之象財源滔滔滾
日 滾家業興隆發達惟老者病者夢此為不祥

○○○珠玉

珠子

夢珠者為秀媚為潤澤為光華為潔白為圓轉聲
價貴重姿質非凡富貴有緣貧窮不遇巨室夢之
兒孫出類士人夢之文字超羣求利名者夢之旺
相當在末年或未運病人夢之難愈囚者夢之受
刑貧窮者夢之事事支離婚姻夢之必得佳麗生
日 產夢之必得賢能之子夢珠圓者事必亨通大而

白者求謀欣遂大而黃
者遭刑細而聯者泣淚

五色珠 大吉

占 樂史宜黃人母夢異人授五色珠而生史力學有
文為南唐進士第一入宋復登甲科累官兩浙巡
日 撫使

走盤珠 吉

占 夢得此者具通權達變之才而一生奔走不停所
日 喜者圓轉流動莫為阻抑各實兩全之象也大吉

照乘珠 大吉

占 光輝發越顯達榮施之兆夢此者事業光前耀後
日 文章泣鬼驚神貨利日新月盛聲名昌熾光亨

定風珠

占 是夢也行人信未至乘舟風有阻文士得之名譽
日 不振武臣得之威令不行惟孕婦夢之坐草無虞

夜明珠

許遜字敬之。號真君。南昌人。吳赤烏二年。母夢金鳳銜夜明珠墜于掌上。翫而吞之。因是有孕而生。真君少小疎通。與物無忤。嘗從獵。射一鹿。鹿中之。而斃。鹿母皇顧。舐之。因感悟。折棄弓矢。剋意為學。博通經史。尤嗜神仙修煉之術。聞西安吳猛得丁義神方。乃往師之。悉受其秘。日以修煉為事。晉太康元年。舉孝廉。辟為旌陽縣令。歲飢。民無以輸。真君乃以靈丹點礫成金。潛瘞于縣圃。一日籍民之未輸者。使服力于圃。鋤地得金。用以輸納。民情遂得安堵。

西子母。居若邪溪。機織。夢得明珠。其光射體。感而有孕。遂生西子。後遇范蠡。亦以明珠贈聘。

徑寸珠 吉

占 此夢。求名當發達。求嗣生大貴。文臣夢之。元輔可望。武將夢之。強敵可殲。尋常夢之。知遇有日。得人款待。夢吞于腹者。文章蓋世。若還人者。隱姓埋名。

牟尼珠

占 兆此者。作事有影無形。視之不見。聽之不聞。不在內。不在外。非語言可求。非捉摸可得。非具十分智慧。不能合下承當。茫無畔援。執着不得。夢之而生子。當令披剃受記。

九曲珠 大吉

占 夢得此珠。文心澹哲。有超凡入聖之機。才智通神。有經天緯地之業。非常之瑞徵也。

火珠

占 夢此者。疾病當有火症。家宅當有火災。惟文士夢之。乃為夾輔陽光之兆。

蚌珠 凶

占 有名無實之象。夢之者。生子秀而不貴。為商勞而少利。居官卑而未顯。出家苦而無成。凡事不吉。

明珠羅漢

夢林玄解

卷二十一 珠玉

三

夢占

羅漢本名難生。後值伏馱尊者執待左右。嘗睡眠謂脇不至席。遂號脇尊者焉。將誕時。父夢一白象背有寶座。座上安一明珠。從門而入。光照四眾。既覺遂生。後受法行化至華氏國。

二十四祖母。夢吞明暗二珠而孕。一羅漢曰。當生二子。一即祖。一即芻尼。昔如來在雪山脩道。芻尼巢於頂上。佛成道。芻尼受報為那提國王。

珠冠 吉

命婦之首飾也。士人夢之妻必貴。女子夢之夫必榮。平常夢之亦無不利。若疾病夢此。則為孝服哭泣之兆。

珠珥珠履珠衣

江南司農少卿崔萬安。分務廣陵。常病苦脾泄。困甚。其家人禱于后土祠。是夕萬安夢一婦人。珠珥珠履。衣五重。皆編貝珠為之。謂萬安曰。此疾可治。今以一方相與。可取青木香。肉荳蔻。分棗肉為丸。

米飲下二十九。又云。此藥太熱。疾平即止。如其言服之。遂愈。

珠串

占 夢此者。光明連絡之象也。文士試必聯捷。商賈利當數倍。但須迴環成串。方為吉祥。如夢直串雙串者。為壘墜。為淚零。為支離。不吉。

珠簾

占 是夢也。為善者世系榮顯。為惡者闔門誅戮。若夢捲者。為吉凶都散。

還珠 吉

咎積至蔡州。息旅邸。覺床上有物。揭蓆視之。乃一囊美珠。次早問主人曰。何人止此。荅曰。潯陽周仲津。公伺而還之。夜夢一童子謂之曰。上帝見汝取與不苟。當為佳士。今以明珠一函贈君。異日者當受福報。後五子俱登第。位極人臣。公壽至八十九而終。

李郡君有賢德。嘗有貨珠子。老嫗至李氏。遺珠在地。郡君收之。後嫗踰時始至。形容枯瘦。郡君詰之曰。向所貨珠子。歸而失之。告其主。償金十兩。主不許。因而成疾。郡君曰。珠子在此。嫗驚喜。泣下。願致金六兩。以請郡君。却而不受。取而還之。忽微疾。夢至一大官府。見二偉人坐堂上。問記得還李嫗珠子事否。郡君諾之。其一偉人曰。當增二十年壽。遂驚悟而起。後二十年乃卒。

吞珠

進士謝諤。家于南康。舍前有谿。諤為兒時。嘗夢浴谿中。有人以珠一器遺之。曰。即吞此。則明矣。諤度其大者不可吞。即吞細者六十餘顆。及長。善為詩。有詩選六十餘篇。行于也。

宋寇瑛。字次公。臨汝人。母夢神人授珠。吞之而娠。遂生瑛。擢進士。

遇賢。俗姓林氏。長洲人。母初孕。夢吞大珠。生時。祥光滿室。少弱。水。所流復還。遂出家。東禪寺。性嗜酒。人呼為林酒仙。醉則作詩。時有警句。尤能前知人禍福。言無不驗。人疾病者。書符與之。立愈。日行路

中。嘗持一鐵椎。見瓦甕輒碎之。人問其故。荅曰。惡世路不平耳。

玉 大吉

山川秀氣。天地精華。結聚而成。孕毓甚久。儲養既深。方能具是美質。夢此。家道福積。兒孫純粹。室婦溫和。凡事大吉。○夢見未剖者。機會未逢。須藏器待時。夢鋸開而玉美者。運氣通泰。利增百倍。有瑕疵者。謀望遲延。作為舛謬。夢得碧玉者。主入山得道。為高上之人。夢見玉潤如脂。聲價高貴。若夢玉碎者。妻子不利。夢瑞玉。定得分茅。胙土。夢吞玉。有人來訴。決因田土相爭。夢懷玉。孕必生男。夢見執玉。臨事還當兢凜。夢買玉。將置阿嬌。或嗣佳種。夢棄玉。妻子不能兩全。玉光爛爍。名利兼得。夢玉缺一點。為王身。卧下玉上。病宜禳土。

玉燕

開元宰相張說。母夢一玉燕飛入懷中。因而有孕。生說。後為宰相。故人有飛燕投懷之句。

玉盤玉枕玉帶 吉

開運甲辰歲暮。晉帝遣中使至內署。宣問諸學士云。朕夜夢一玉盤。中有玉枕及一玉帶。皆有瓊文光瑩。可愛。是何徵也。承旨李慎儀奏云。王者帝王之寶。帶者。誓功。兆。盤。孟者。守器之象。此為吉兆。後帝享位多年。

玉筯 吉

邵康節母李氏。其姑張氏遇之甚嚴。一夕欲自盡。夢神人令以玉筯食羹一杯。告曰。食自盡。當生佳兒。後李夫人山行。見雲霞間大黑猿。有感而孕。臨蓐。慈烏滿庭。人以為瑞。是生康節。

玉盆 吉

齊後主高緯。母胡氏夢于海上坐玉盆。日入裙下。遂有娠。五月五日生緯。于并州邸。

泣玉 貞吉 否凶

和氏之泣。夢中見之。此兆為有志莫伸。有懷莫喻。遭際不在目前。但恐禍生足下。是大器晚成之象。

玉玦

玦者決也。有決斷之義。獄訟夢此。輕者得脫。白。重者主處決。玦者缺也。有殘缺之象。患難夢此。骨肉不得完聚。家業不能保全。凡事多凶。少吉。

種玉 吉

陽父字雍伯。致義漿給行人。三年。一夕夢人問曰。何不作菜湯。荅曰。無種人。曰。明日往架上取子種之。生好玉。併得好婦。晨起。果得菜子一升。公種之。數歲。北平徐氏有女。公求之。徐云。得白璧一雙。當成婚。公至種玉所得白璧。遂娶之。各其地。曰玉田。

玉勝 吉

陳高昭劉皇后。母桓氏。夢吞玉勝。生后。以告父壽之。壽之曰。恨非是男。桓笑曰。雖女。亦足與家矣。

玉石 吉

高琳之母嘗被襖泗濱遇見一玉石光彩朗潤遂持以歸夜夢人衣冠有若仙者謂曰夫人向所將來玉石是浮磬之精若能寶持必生令子母驚寤舉身流汗俄而有娠及生因以琳名字之曰季珉後為國名將爵建為郡公進位柱國

吞玉 吉

隋崔府君父讓世為巨農純良德義鄉里推重年將知命未立嗣讓與妻虔誠禱于北岳是夜夫妻夢一仙童手擎一盒詣門曰帝賜盒中之物令吞之言訖舉盒蓋觀之見美玉二枚夫婦各吞其一忽然而覺大業三年六月六日生一子神彩秀美異于常人幼而從學日誦千言不窺羣子之戲因名子玉凡事過人鄉人咸以為天賜也

玉擲于門

李盛作安南守夢人以玉擲于門盛曰此閨字也吾官當再任果然

玉佩

夢此行動趨止各有常度坐作進退各有節文肅肅其容不忘恭敬之心抑抑其儀當有鏗鏘之韻文士夢此魏科高擢若夢身上解去者主有凶事夢見小人佩外者主奴僕背主之兆

銜璧 凶

璧所以禮神所以通信國家之重寶也當十襲珍藏或奉持服膺夢銜之者主有屈辱喪亡之凶銜而入曰入腹者才高子秀

玉環 吉

玉有溫潤之姿環有循環之象夢此者凡事無往不復否極泰來之兆人授已者主或生貴女或得雙子

玉瓶 吉

段思平夢玉瓶耳缺。以為不祥。董軍師曰：玉瓶去耳為王。主公為王者兆也。果然。

賣玉 吉

占 玉售而得善價。商賈定主興旺。文士必得科名。但有美子女者。夢此不祥。

玉璽玉圖書 吉

占 夢此者。主有真人授記。天子降恩。若在平常。其人必真誠。有信行。能堅忍。無變更也。

玉鈞

占 文入夢此。有鈞深致遠之思。官訟夢之。有一筆鈞。消之兆。疾病夢之。急宜解禳祀賽。亦可消釋災悔。

玉帶 吉

占 玉帶為尊貴顯榮之兆。見之于夢。當有王公大人降臨在顧。或來徵聘。正得志行道之會。惟君子夢之。乃為大吉。若在常人。夢非其物。不得為美。

玉碗

占 夢此為貴人接引之兆。若夢傾碎者。死喪不祥。謀望須防傾跌。凡事敬守。方保無虞。

宋李世俊。母夢人以玉碗授之而生。七歲能屬文。詞華獨擅。為海內人望。後俊母復夢碗中有路。嘆曰：此子其殆不穀乎。世俊尋以儕輩所妬。羅織成獄。杖之幾斃。廷下。遂不能起云。

瓊瑰

公孫嬰齊字聲伯。夢涉洹。或與已瓊瑰食之。泣而為瓊瑰。盈其懷。從而歌之曰：濟洹之水。贈我以瓊瑰。歸乎歸乎。瓊瑰盈吾懷乎。懼不敢占也。還自鄭壬申。至於狸脹。而占之。曰：余恐死。故不敢占也。今眾繁而從。余三年矣。言之莫遂。卒于狸脹。

玉磬 大吉

夢林玄解

卷三十一 金銀

三

夢占

其形曲折其韻悠揚為八音之紀綱為始終之條
 理凡夢此兆者將見事雖繁冗必有統馭之權攘
 奪雖多我得網維之任士人領魁元任宦登黃閣
 常人謀望亦有把柄家庭事體有頭緒而不紊亂
 婚姻當見朱陳之好
 孕育定得麟鳳之祥

玉軫 吉

撫金徽調玉軫琴瑟之事也此兆主家門雍睦位
 儷和諧士子文思清新篇章俊逸將有知音之遇
 商賈求利為的軫者準也遠
 音目下將至盟約有信不虛

玉壺 吉

此清介廉潔之徵也宜于孤高絕俗之客不宜子
 母財利之徒士人當入詞林居官定超給諫女人
 不宜夢此恐
 有藁砧之憂
 夜來一夢玉壺冰榮潔無瑕徹底清
 名蜚詞林聲諫諍閨闈贏得守操貞

琢玉成器皿 利

此兆是使人切磋磨礪改過修德以玉成大器也
 士子功名可就經營財利可得但先難後易必其
 始受得一 勤勞
 未路乃能安逸也

赤虹化玉 大吉

孔子作春秋孝經成祭告于天有赤虹自上而下
 化為黃玉三尺上有列文凡得此夢者朝廷之
 上當生聖子神孫將來必為有道仁明之主天下
 咸寧萬邦惟順所夢之人在文士亦當為賢良輔
 弼之臣建緯地經天之業若常人夢
 之王家事豐豫俊秀之子挺生傑出
 赤虹化玉 皇天眷沃有夢若斯兆豈庸碌上應
 朝廷下逮民俗 聖德王仁徧覆幽谷所夢之人
 又 家給人足

飲玉漿 吉

此兆宜于日用起居。樽節愛養。修身謹行。則士子得文思日益。常人得家道日隆。老年者壽至百歲。有疾者夢之。宿病皆痊。後魏李預夢神授以餐玉之法。乃采訪藍田掘得。若環璧雜器形者。大小百餘枚。槌作屑。日食之。經年。云有效驗。而好酒損志。及疾篤。謂妻子曰。服玉當屏居山林。排棄嗜欲。而吾酒色不絕。自致於死。非藥之過也。尸體必當有異於人。勿使速殯。令後人知餐服之功。時七月中。旬。長安毒熱。停尸四日。而體色不變。口無穢氣。

玉在石中 貞吉

占 玉在石中。璞玉也。尚俟良工。方能發揚其美。士子未遇明師賢友。更不得薦拔之人。一應九流工商等輩。夢之。交庚辛申酉之年。始為佳兆。

兩手捧玉 大吉

占 夢此兆者。宜持身敬謹。當成大器。士得名。異日當為輔弼之臣。玉乃王也。兩手即股肱之意。其應在

日 此其餘皆為吉兆。

香玉 大吉

唐肅宗賜李輔國香玉。香聞數百里。得此夢者。大吉之兆。玉質之溫潤者也。香德之芳馨者也。若能修德以應其占。士人當唾手功名。垂芳百世。常人事業恢弘。子孫世守。生子後秀聰明。生女端莊貴品。半載中有喜慶。從天而至也。

觀日玉 上吉

占 此玉乃希世之寶。洞見口中宮闕。人有夢之者。當承恩天府。日侍龍顏。若在俳優等輩及無德之人。兆之。反有刑戮及也。

又 觀日玉。希世寶。日中宮闕如蓬島。此夢原來兆不凡。承恩得侍龍顏早。

○○○ 錢鐵

夢林玄解

卷二十一 錢鐵

三

夢占

錢

貞吉 否凶

體圓孔方。輕重以銖。周流四方。利濟天下。可以舒人之困。可以甦民之命。其如泉之流。若聚而不散。當獲天譴。夢之者。有通達萬變之兆。○夢見散錢。主有瘡瘍之症。夢錢無文者。求謀背暗。夢錢貫串者。事必連絡。夢錢堆積者。當被臭名。

柳績字德封。勤苦為學。夜燃木葉以代燈火。夢中聞有呼者。績出見之。有五六丈夫。各負一囊。傾于屋下。如榆莢。語曰。與君為讀書糧。明日起而視之。得漢古錢一堆。計百七十千。乃終其業。宋明帝時。官至東宮舍人。

贈錢

閻陟幼時。父任密州長史。陟隨父在任。夢女子年十五六。容色妍麗。來與已會。寢輒夢之。後夢女來別曰。妾是前長史女。死殯城東南角。明日來迎妾喪矣。今有百千錢相贈。言訖。送錢于寢下。陟覺視。牀下。惟有百千紙錢。

大錢

弘治庚戌。汪諧為副主考。王鏊為同考。一夕送卷至堂。汪謂王云。昨夢人餽一大錢。何也。王謂文如青錢。萬選萬中。其有異乎。已而乃錢福為會元。

上清五銖

岑文本避暑山亭。因少憇焉。夢中忽報有上清童子。元寶來見。曰。上清五銖。及出門。東行數步。于墻院下。瞥然而沒。明日。文本命工力掘之。得古錢一枚。文本方悟。上清童子。是青銅名。元寶。錢之文也。

天雨錢

唐熊袞性孝。為御史大夫。是時例無俸給。家無餘資。父喪不能葬。晝夜號泣。夢天雨錢。明日。庭下果有錢一堆。得以襄事。人稱忠孝。雨錢公。

錢飛入云

占 是夢也。士人文章日富，商賈財利倍增，惟軍中夢之為金戈疊見，須防敵兵眾至，病中夢之為蟲血變動，但恐腫毒蛆生。

掘地求錢

占 是夢也。掘之而不得，反吉。見錢少者，主口舌錢多者，主有湧泉穴之病，須求對治。

料錢

宋王狀元十朋，未第時，醉墮沛河，為水神扶出，是夕夢神曰：公有三百千料錢，今日若死，何處註銷。明年遂登第。

身入錢孔 凶

占 錢體外圓，反之則方，內方，反之則圓，質屬金，金主刑傷，夢之者，必有獄訟，身受枷鎖之象，舟中為溺。

曰 水之徵，又主遺臭。

人以錢求買物 凶

占 此交易之兆，應在錢姓者，或金姓者，或戈姓二人，持金至者，如買已不祥之物，大利，買已所愛之物，不吉。

晉王導長子悅卒，先是導夢人以百萬錢買悅，導潛為祈禱，尋掘地得錢百萬餘，意甚惡之，悅卧疾卒。

得錢 貞吉

占 夢得古錢者，主利微，夢錢落身者，主瘡甚，錢青而大者，主文章，錢白而多者，主泉水，夢見黃錢者，入曰 黃泉之兆。

劉巢林者，篤行人也，夜夢至一所，有石榴二樹，下得錢千緡，自念平生無妄想，安得此夢，未幾，里中

戴氏延為館師。其館中庭前。有石榴二株。一如所夢。及得束脩。備千緡。遂得第。

古塚錢

剡縣陳務妻。少寡。與二子同居。好飲茶。家有古塚。每飲輒先祀之。夜夢人致謝云。吾雖潛伏朽壤。豈忘翳桑之報。及曉。于庭中獲錢十萬。似久埋者。惟貫新耳。

磨錢文

三國魏曹丕。夢磨錢。欲使文滅。而更愈明。以問周宣。宣曰。此陛下家事。雖意欲爾。而太后不聽。

鐵

質屬金而不貴。其性剛而音劣。故凡夢銅錫等類。兆無不祥。惟鐵有凶有吉。不可無占耳。○夢失鐵。為傾跌之象。得鐵為貼服之徵。夢人持鐵器入家。主病祟。夢鐵光焰焰。主兵戈動。夢吞鐵。主病脾泄。夢冶鐵成器者。失物必獲。得物反失。夢身入鐵中。主傷損。

鐵槌

承德則孫俊民家于震澤。歲除。夢一長大人。其高出屋。行通衢。一手持牛角。一手持鐵釘鎚。睥睨其家。以牛角擬門上。欲釘之。夢中與之辨解。長人乃去。以其角釘對門姚氏。舉家病疫。死者數人。

鐵馬

鐵為金。馬為火。火能尅金。而金成于火。動而不定。相擊成聲。夢之者主出行。主名譽顯聞也。若夢鐵馬馳入庫藏者。必有失火之災。宜解禳之。

鐵拐 吉

八仙中所有者也。夢此為能持能行之象。出行有扶助。病患得立起。年老者便於出入周旋。力弱者不至傾跌顛躓。脩鍊之士。夢此必遇真仙引掖。

鐵桶 大吉

占 夢此主江山一統。海宇咸寧之兆。有國者城郭完固。不煩扞衛。有家者墻垣堅厚。無事修葺。創始者必至盡美。守城者必能永久。

鑛鐵如意 吉

占 剖屹鐵石而得鑛鐵。煉鑛鐵而成如意。夢持之者。主遇金姓石姓人。配合姻緣。凡事如意。其謀其居。其名其利。病者訟者。俱稱心滿懷。大吉也。

鐵硯

占 夢此者。立志鑽研。持久成功之兆。求財利。當在仄直尋。問功名。宜棄文就武。

鐵券 吉

占 功成名遂。志得意滿之兆。夢之者。文士名書彤管。武弁拜將封侯。產業有成。訟獄無害。子嗣興隆。奕世綿遠。

吹鐵笛 吉

占 兆此者。韻別名高。吹之為金穴有聲。主大富馳名也。

○○○珍寶

丹砂 大吉

占 臨水縣有廖氏。世老壽。後移居。子孫輒殘折。他人居其故宅。復累壽。不知何故。夜夢井水泛溢。因掘井左右。得古人埋丹砂數十斛。丹汁入井。是以飲水而得壽。夢吞丹砂者。當主有壽得道。

紫珍

隋王度得古鏡。能制百邪。時蒲陝間疾癘尤甚。乃使小吏張龍駒持鏡。遍巡百姓。其夜鏡于匣中。冷然自鳴。明早。龍駒謂度曰。昨夢一人偉異。謂駒曰。我鏡精也。名曰紫珍。為我謝王公。百姓有罪。天予之疾。奈何使我反天救物。且病至後月。漸愈。無為我苦。

琥珀 貞吉

占 夢此者。主當有風木之憂。不吉。惟懷孕。主生貴子。

貓睛石

占 瑩潔明透。夢之者。主有奸雄窺睨之兆。女子夢得此。主有以芳蘭相贈者。

埋寶 吉

占 寶者。西戎所產。乃天地之英。山川之瑞。凡見于夢者。內應五臟精華。無有不吉。惟夢失之者。為不祥。有夢一丈夫佩劍。自言漢光武時。與馬將軍同征交趾。得南人之寶。後馬以惹苙被謗。吾恐禍及。將寶埋此地。及寤。與鄰近尋其處。掘得寶劍。并金龜古鏡。

寶母 吉

占 其色半青半赤。夢之者。商販出行。或東或南。而利不求自至。此大富豐亨之兆也。

阻馬路 凶

占 夢此者。貴人主失祿。平人主失業。閨中夢之。為懷思分別。出征夢之。為步伍失利。

殊角 吉

占 象輅以封異姓。貴者夢此。受恩錫。象筋必有玉杯。富者夢此。設華筵。牙籤萬軸。文士夢之。書富五車。象有齒。以焚其身。凡事謹慎。乃得善終。

珊瑚 凶

占 寶樹也。高者五六尺。次者三四尺。夢此者。掌有繁雜。當刪削之。其色紫者。主疾病。赤者。主火災。

瑪瑙

占 似玉而有斑。士人夢此。文章光彩。老人夢此。則病熱症。生煩惱。不祥。

得寶璫

占 常人夢之。主釜空如洗之兆。富貴夢之。張典得利也。

玳瑁

占 此海中介蟲也。以之為服飾。在霧中不迷。夢見此者。主大水至。尋常得酒食。

玻璃琉璃

占 主奔波流離之兆。凡夢此者。俱為不祥。若在難中。反得解散。

貝

占 有紫貝。有霞貝。有綬貝。有朱貝。夢得紫貝者。疾病愈。得霞貝者。蛆蟲消。得綬貝者。氣障去。得朱貝者。眼目明。

水晶

占 夢此者。主三日後有大水至。又主天雨三日之兆。

犀角 大吉

犀者。犀利之物。夢之者。無有不利。有水犀。有文犀。有通天犀。夢水犀者。商賈涉江渡海。無險阻。夢文犀者。士人文章詞賦。有重名。夢通天犀者。凡人疾病災患。得良藥。若孕婦夢之。生女必貴。

琅玕 大吉

昔人夢遊蓬萊。見琅玕樹如珊瑚。老人揖而取之。擊之。有金石聲。既寤。覺身體輕健。後至百歲。行及奔馬。凡夢此兆者。交得良友。病遇良醫。出仕者。有循良善政。遭逢聖君。為一時之良相。為百世之干城。大吉。

之夢也。

又 黑甜一枕。夢琅玕。蓬島球琳。取次看。聲若敲金。仍憂玉色。如染黛。更塗丹。佳徵美兆。傳符券。友誼交情。重奠蘭。酣寢乍醒。春睡足。一庭花事未闌珊。

雲母 吉

雲者。登雲之兆。又為虛浮不實之象。今得其母。是騰霄有路。而捉摸無憑也。宜于士人。不宜賈客。宜于空拳。各譽不宜齎本。求實雲母。凡有五色。若夢青色者。家庭有喜事至。孕生男。赤色者。防火災。遠音到。又有口舌之兆。有人送書籍及衣服來。白色者。有財帛。白而有光芒者。有刀兵之兆。無光黯淡者。父母喪服及親戚死亡之憂。黑色者。主疾病盜賊。及大水蕪沒田廬。黃色者。士人夢之。大貴至。村莊人夢之。增益田畝之兆。

又 雲母出雲。縹緲氤氳。不利俗子。利于斯文。

玫瑰 吉

玫瑰。亦香玉也。芳香之氣。今之玫瑰花。香與色俱似之。此乃文章魁首之兆也。士人登魁元。一應九流。俱有名聲。生子俊秀。士女貞潔。春睡夢玫瑰文章得占。魁。意前勤苦。學馬上錦衣回。

瓊瑛 吉

瓊瑛。乃西海之石。可以為劍。切玉如泥。得此兆者。每事剽利。功名早得。家道易成。處繁瑣膠結之事。則當迎刃而解。

又 刷利說瓊瑛。霜芒世所無。佳徵形夢寐。勇往嚮前途。

臙脂 凶

臙脂。乃女子之所需也。女子好也。然必每事守正。不得荒淫過欲。則惡事變成好事。如其不然。恐陰道盛而陽道衰。君子退而小人進。戒之戒之。昨宵夢裏見臙脂。麗質嬌容。恣爾施陰。道將盈陽道抑。吉凶安用卜龜著。

翡翠 凶

翡翠為林鳥之羽。作婦人之飾。翡字從非。翠字從卒。如夢得此兆。急宜保身守正。戒謹恐懼。猶可挽。

曰禍為福不則便存非義非法之事必卒其身眷也
又翡翠原來鳥羽毛字從非卒不堪逃
修身戒謹回妖異詰訓諄諄勸爾曹

車渠 不利

占此夢主有河渠之決不利
曰利于我須預備之可也

瓊英 吉

占美石也夢之
曰主世出英豪

天球 吉

占重寶也夢之
曰主為良輔

璠璵 吉

占魯之寶玉也夢
曰之主一秀兒

礪石 凶

占此兆主坎壻
曰多累之象

琬琰 凶

占此夢宛然有炎上
曰之象火燭之光

夢林玄解卷之二十一

夢林玄解

卷二十一

珍寶

三

夢占

夢林玄解卷之二十二

夢占

文翰部

書籍
字畫

經卷

史傳

佛老

詩詞

〇〇〇書籍類

書從天降 大吉

占 夢此者必有殊遇。顯者蒙 恩錫。士人蒙
日 簡拔。常人當有意外喜事。無不吉昌也。

月照書史 吉

占 月。陰象也。應得兵書。或握兵符。
日 士人女子夢之。當有婚姻之喜。

晉韓怵。夢月下觀後漢書。旁一道士指謂之曰。此
汝婚姓也。踰歲娶得蔡氏。乃悟後漢書為文姬所
續。其姓乃
蔡氏也。

風翻書籍 凶

占 參差。不齊。顛倒。錯亂。凡事多疑。了無成算。夢此者。主心事不寧。徬徨無策。有所謀為。要皆不能成就。然當察其書而推之。可也。

書晒炎日中 大吉

占 日麗中天。書晒其下。文明之象也。貴人必登台鼎。士子必擢高科。常人夢之。家業興隆。且生貴子。旅客夢之。有信在。中途。即至也。

雨淋書史缺壞 凶

占 凡事有穿鑿。須防人暗毀。大不利于功名。及文書。事。若士人夢之。必其志不堅。學不精也。奮勉為上。

雲中書 貞吉

占 青雲名顯達。紅雲恩詔來。黃雲飛敕至。紫雲生貴胎。烏雲家信通。白雲乃喪事。五色最難逢。不啻一身貴。還看世世榮。按色推之。吉凶可知矣。

據地觀書史

占 潛而未躍。伏而不動。藏器待時。困而後亨之兆也。得此夢者。無妄求。無躁進。久必通達。譬猶龍之須蟄而起也。利名一轍。宜共守焉。

拾地上遺書 吉

占 得此夢者。學日以進。智日以增。主有貴人扶翼引導。大吉之兆也。惟不利于女人。夢此者。主有公姑夫婿之憂。

讀書山林間 大吉

占 神清氣爽。心恬意適。乃有此夢。主為高貴之品。出仕者。玉堂金馬。未仕者。澤媚山輝。蜚聲鴻譽。指日灌耳也。

握書登山頂最高處 大吉

占 仰接穹蒼。俯眺寰海。夢此者必列三台。否亦當居
諫垣。以輔明主。未第者夢之。當大魁天下。市人
日 夢之。必富冠一時。

水面浮書

占 夢此者主有遠音至。多凶少吉。然須審其何方浮
來。或順流。或逆流。乃可辨其凶吉。東南則吉。西北
日 凶。順則吉。而逆凶。○倘綠水紅書。主生子。
白水綠書。主生女。此又不應以前例推也。

路上觀書 吉

占 名利亨通。無往不吉之夢也。不日有奇遇。宜遠行
且貴速。名必大顯。利必大獲。動遂所願。但不可遲
日 滯耳。

翻史 貞吉

占 雷雲之客。中秘之兆。去惡從善。宜鑑往
事。夢此者主進德修業。為正人君子。

攜書遠行 吉

占 夢此者。以所行向何處占之。是為順德居
日 尊。敦厚以明道。必有所成就。而無悔者也。

人取書去

占 主慶賀之事。無事夢之。必有奇事。有事夢
日 之。當審所言。次日作事。遇雨吉。遇風大忌。

武德四年。東都平後。觀文殿寶厨新書。猶入千許
卷。將載還京師。上官魏夢見煬帝云。何因輒將我
書向京師。于時太府卿宋遵貴。以大船載書往京
師。河中值風覆沒。魏復夢煬帝甚喜云。我已得書。
帝平日愛書。寶厨新書。大業所秘之書也。

秉燭覓書 吉

占 主得良師。或賢友。資其教誨。磋磨之力。否則
日 有遠行。往無不利也。常人夢之。主失脫官事。

夢林玄解

卷之三 書籍

三

夢占

手評書史 吉

占 裁定是非商確可否。黜陟惟我。去取惟我。所異人任也。得是夢者。其登史館乎。即在未遇。亦可因此覘品于異日矣。白衣夢之。亦有益而無損。倘所評者是小說野史。防口舌。

理殘書 吉

占 殘書舊物也。而理之。是不棄舊也。不棄舊者必不憐新。中和之德。于夢徵之。是人名顯遂。家事新。于茲卜其始矣。

得所未見書 大吉

占 天欲啓其聰明。故于夢中示以奇異之書。凡得此夢者。必主學問長進。才智過人。常有非常之遇。建功立業。冠絕一世也。

神授文書

占 因所示而審之。因其時而推之。無占也。

真宗嘗夢神人言。賜天書于太山。即密諭王欽若。欽若因得之。授中使馳捧以進。遂成封禪禮。蕭燧未第時。夢神人示以文書。記其一聯云。如火烈烈。玉石俱焚。在冬青青。松柏不改。後以進士高第。不為秦檜子熇所污。仕孝宗朝。累遷左司諫。上以議論鯁切。不求名譽。糾正奸邪。不恤仇怨。嘉獎之後。以資正殿學士與郡。卒諡正肅。為南宋名公。

人與已書 吉

占 與我以書。發我蒙也。士人夢之。益智慧。庶人夢之。長機謀。若係雜書。當有人來議事。

人誦書 吉

占 凡夢此者。皆有所貴。因時而推。雖所誦者是大凶之書。亦必無咎悔也。

抄書

占 幼稚夢之為佳兆。衰老夢之為危兆。貧窮夢之吉。貴顯夢之凶。更以所抄占之。

焚書

占 書而焚之。是棄之也。棄書不祥。夢之凡事皆不利也。如無用書而焚之。則反大吉。

架上書崩

占 此夢主學問充足。將售去也。舉子夢之必聯捷。惟老年尊宿。及在高位者夢之。則大非吉利之兆。常人夢之無嗣。女人夢之。主必有丈夫與子之憂。當細推之。

積書盈箱

滿架

占 富貴之夢。積德之象。博學所致也。而或有積敝者亦夢之。以名色推之。審其詳矣。

篋書縱橫

吉

占 此高談雄辨之象。能挾策以下王公。必有所遇。第踪跡無定。不能大慊已意。凡事須見幾往无咎也。

書作枕

大吉

占 得此夢者。一生作事安穩如意。且多得貴人之力。即經營者夢之。亦必得大貴人之賑濟。永無落下之日也。

藏書袖中

占 看所藏何書。五經文史為上吉。雜書稗說次之。淫詞艷曲為至凶。藏右袖則吉。左袖則凶。

以衣拂去書塵

吉

占 拂去書塵。易新說也。以衣拂之。功在我也。夢之者。必積學之士。能矧特解。以剖聖賢精微之蘊。而超出時髦之上者也。否則必有寧馨出而繼書香。

帶束書

占 主事有成。當有秦晉之盟。後必生貴子。秀士不宜夢此。夢則所學不進也。經營者夢之亦不利。

錦衣裹書 吉

占 功名顯達之象。在春夢之全吉。秋次之。夏冬。又次之。紫錦為上。藍次之。紅綠玄又次之。

屋角有書籍

占 履險而坦。若危而安。素位以行。則无咎。不可妄有所作為也。

書滿車 大吉

占 夢此者。百事須勉力為之。則無不就。飽學夢此。定乘風破浪。著名于時。經營者夢之。大獲貨利。乃運通之券也。

舟載書史 吉

占 夢中無風波之險。順流而行。則有得意快心之事。如已傍岸。主發科甲。暗中得神祐之力。

負書騎馬走 吉

占 主有人附信。或泥金報捷。如出任者。當銜命。行市人夢此。主獲四方之財。隨所往之方而詳之。自知吝泰矣。

鳥銜書 大吉

占 翱翔雲漢。展翅天衢。士子名成志遂之符也。常人夢之。有佳音至。女子夢之。則生貴子。

捕魚觀書 吉

占 夢此者。主享安寧之福。得後昆之力。無疾永年。後生夢此。主得無本之利。

覆茗書上 大吉

占 此夢主婚事。且在詩禮之家。臨場夢之。必掇巍科。女子夢之。當有俊雅之士問名焉。勿豎夢之。當有賢明之師開導焉。

置書史于花側

占 結子花。則生聰雋之兒。不結子花。則生秀慧之女。舉業者夢此。則無成。尋常者夢此。則得助。就得夢之人。與時推之。自驗矣。

展書竹林中 吉

占 修身以俟。虚心以求。清節之吉。人所不可及也。人若夢此。其有物色者至矣。

投書荷池

占 夢此者。聯捷兆也。荷衣。綠衣也。投書荷池。將脫白掛綠也。生理者不宜夢此。蓋書本也。以本投水。其何利焉。

蕉葉覆書

占 主有大人覆庇。且沐其休澤。如葉枯而無色者。主大不祥。有喪服之憂。

書在樹頂 貞吉

占 此夢主有人來獻策。與之謀議。必能成就大事。可建監勳業。其人必介直而不阿。有始克終。書青色。東方人。赤色南方。白色西方。黑色北方人。倘出行者夢此。則危而不安。未可遽行也。防有宵小之厄。

執編攀枝

占 名未能遂。志未能伸。若是枯枝。終身無成也。若經營握算。獲利無疑。若無子者夢之。主必生子也。

玉易書

書易 玉同 大吉

占 此大貴之兆也。夢之者主有古鼎簡拔。位登八座。子孫綿綿。簪纓不絕。商賈夢此。主獲大財。誕生貴子。女子夢此。夫婿乘龍。

書上多珍寶

占 士子夢此。必以文章名天下。但不能登高位。每為羣小所妬。市人夢此。主失脫官事。舟中夢此。防風波之患。

鐵如意點書 貞吉

占 夢此者。主有疑難之事求剖。其中必有竅竅。臨時必能推出。但須立意斷之。則可以服衆。士人夢之。則名難成。餘則無益又無損也。

裁經史作佩玉 吉

占 溫其如玉。君子之德。裁以爲佩。服無斃也。若經與史。則在推者之自悟云爾。

書史忽成琉璃

占 夢此者。主明見萬里。權傾一世。若無威柄者。主離散不常。去來無定。在外主父母有疾。經商主分利不明。出行猶忌。

金銀中得書籍

占 觀人品之清濁。清者顯達而無終。濁者得爵而無祿。至若商賈之士。利薄而微。不足算也。

持錢買書 吉

占 有志未遂。謀事未成。終必有慶。夢此者。凡所作爲。皆當從緩。發軔之初。創始之象也。

書忽作聲

雷鳴隱隱。螭龍將起之象。夢此者。譽騰海內。望重一時。庶人夢之。必主發財。與家立業。無不如意。惟老人夢之。主啾啾。主疾病。女人夢之。主外孝服。幼雅夢之。益智慧。春月得此夢。一歲之中。大有成就。終身之業。于茲始茂矣。

朱書 大吉

占 天帝之符。受祿之徵。夢此者。主大貴。蒙主眷寵。常人夢之。得仙術。老者夢之。益壽延年。女人夢之。夫榮子顯。上吉兆也。

書字變成五色字 大吉

占 夢此者主文章大進。不求問學。自能明悟。投時皆合。賢愚共慕。在幼年夢之更妙。老年夢之。主封爵。至。主得晚年秀子。常人夢此。主得錦繡財帛。猶利出行。所往皆吉也。

黃紙書 大吉

占 至中至和。乃吉。乃亨。夢此者主食中土之祿。為郡守之職。商賈夢之。往秦晉之地。必大有獲而返也。

煉丹書

占 夢此主被小人竊取財物。是非爭辨不已。有百日之憂。無大損。

捧書心胸間

占 主有得意事。不俟我求。人來就我。士人夢之。主謁貴人。有大益。經商夢之。有微利。更當視其書為何書。以見吉凶。

口銜書

占 承大人之命。有四方之行。東北則吉。西南則小有驚。若為說客而夢此。必大得志。能成大功。女子夢之。主有口舌。

血漬書 吉

占 夢此者。主骨肉相會。即不會。亦必有音問來通。士人夢之。必得異地賢友。

書欠一本

占 缺而不全。夢此者。士子不能發甲。商賈虧本十之一。老人女子夢之。主喪一子。惟兒童夢之。則大有進益也。

半部書 吉

占 正中而不偏。有謀不可過望。各成就。利均平。女子夢之。主招婿。

書高數尺 大吉

夢林玄解 卷三十二 書籍 夢占

占 此夢豐隆之象。學富之符。得是夢者。當高大其門。閭。後必有貴人出。若經營者。夢此。其利百倍。必為大富人也。

書古而多 吉

占 主獲奇異之物。得意外之財。其物其財。不在人。亦不在室。非道上。則地中。學者夢此。當有人求製作。

失書 凶

占 審所失者何書。春夏夢此。不利往東南。秋冬夢之。不利往西北。學無成。利無獲。幼稚夢之。則隕身之兆也。

書皆小部 吉

占 簡而文。多而不費。以小成大之象也。小試主得高名。小本主得大利。主多生子而秀雅。極佳之夢也。

二角書 凶

索綬。夢東有二角書。諸綬。大角朽敗。小角有題。韋囊角佩。一在前。一在後。以問索統。統曰。大角朽敗。腐棺木。小角有題。題所詣。一在前。前物也。一在後。後背也。當有胸背之間。時綬父在東。居三日而凶至。問。

書在厨中 貞 吉

占 厨中書。夢主藏機。龍蟄深淵。要待時。未得早諧。名與利。尚當謹守。勿胡為。

借書

占 與人借書。夢大吉。發憤開心。妙非一。士子臨場。文思飛。文成五彩。花生筆。俗子庸流。夢借書。利源不竭。資財溢。若夢人來借。我書。前程萬里。昏如漆。

床頭貯書 大利

占 床。卧床也。書乃千金不易。即黃金也。床頭書。徹床頭。黃金之象。兆此者。市人獲利。士子得名。孕生男。

日 訟必勝。

釘書

占 裝釘諸書整束齊。夢之宜守不宜移。安常處順終逢吉。女嫁男婚大得宜。宅舍安寧無改革。田園增擴舊根基。病人夢此難痊好。釘掩屍棺有哭悲。

書裏囊中 吉

占 無底日囊。夢之須每事小心。商賈得之。出路宜防。否人財利須防失脫。士人夢之。奮志寒牕。終有出人頭地。頭角崢嶸之象。

截書 不利

占 截絕也。兆之功名沒。事業敗。父母王刑剋。夫婦有災殃。

批汰書 不利

占 批汰緣非得意。漫從筆底增刪。功名事業等雲烟。還向螢牕雪案。○室內難和。僂儷膝前。子嗣姦頑。圖謀似隔萬重山。財利空花變幻。

人授赦書

占 赦解也。解難之散也。占之或有否事者。轉凶為吉。之象。或有美事圖謀者。反成不就之機。蓋凶不成。凶。吉不成。吉。總歸散解也。

圈點書 吉

占 藻翰工詞句甚佳。好將丹墨綴流霞。文人夢此花。生管仕宦逢之。秩更加。喜事每從天上降。錢財應得手。中架提携若有孩兒。幼痘疹須防密似麻。

閱秘書 貞 吉

占 秘乃不洩之機。占之者主事當謹密。言當退遜。

向人求書 不利

占 求俯仰不遂之狀也。夢之主圖謀難遂。經紀難成。士子宜藏。商人未穩。百凡靜守為是。

收買書 吉

占 收書納盡世間春。家慶重重喜事新。商賈逢之當大獲。文人遇此拜楓宸。

人授兵書

貞吉 否凶

占 文人夢之。主有佳篇奇句。進取前茅。仕宦兆此。主三台八座。職掌兵權。武士見之。主建功異域。威震邊疆。然必守身修德。推已及人。無往不利。若恃才妄作。反存奇禍。戒之戒之。其他經商媒妁婚媾。俱為不利。

送書與人 不利

占 此兆無益於己之象。占之恐喜事去。機會失。愚蒙終難知覺。聰慧者反若糊塗。財利得而復失。求婚

口 親而反疏。諸事皆為不利之徵也。

背書 吉

占 背非違背也。實佩服之謂也。如佩之終身不敢忘耳。夢之者。主故人提挈。或僮僕報恩。更兆他鄉即日歸。失物還須見。利吉。

置書在頂 吉

占 頭元首也。書置頭頂。主魏巍尊崇之象。夢之文武遷高位。應試得魁元。經營財萬倍。快樂笑聲喧。

迎接詔書 吉

占 一封丹詔自天來。浩蕩恩波遍九垓。榮寵太過還退遜。功成身隱實奇哉。凡夢此。莫疑猜。愈宜修德。善培栽。消凶弭禍臻。餘慶壽比岡陵位鼎台。

開拆書緘 不利

夢林玄解

卷二十二

書籍

三

夢占

開分也。折離拆也。主散而不聚之象。夢之者防失脫。謹貿易。病人危。惟訟可解。○又卦緘書批。如渥。未分。若開拆之。如天地已判。便生出林林總總。無數。吉。凶。善。惡。事來。今占之。恐無中生有。但凶變。吉。吉。變。凶。惟在人修德。以致之。

修補書籍 吉

占 斷簡殘編。夢裏添。退休泉石。復高遷。燈牕士子。須攻苦。衣錦他年。馬上旋。○商得利。順流船。百凡謀。事慎于先。病人若也。纏綿久。醫禱相扶。定得痊。

書置案頭 吉

占 書在几案間。清寧百事閑。無災即是福。人物靜如山。

書砌壁中 凶

占 書砌壁。面牆立。謀為舉動。俱無益。學問荒疎。運未亨。功名。似塵飄陌。商賈經營。且待時。婚姻子媳。只宜遲。病人醫禱。俱投石。孤月秋風。送落暉。

書藏櫃中 不利

占 此兆也。鬱而未伸之象。士子多蹭蹬。紅顏多抑挫。老年者疾病啾唧。鮮有如意。

書擲井中 凶

占 此兆分明。人入窠。功名未遂。須安命。經商流落。向他州。作事還須持戒。敬官非只恐入囹圄。謀慮還憂無把柄。謹慎行藏。進退間。皇天錫福。增餘慶。

吞食書史 大吉

占 夢啖書。兮天佐才。文人智慧自然開。功名唾手還容易。懷孕應生貴子來。○人有病。暫時災。經營萬倍廣。貲財家庭喜氣。忽忽至。福壽康寧。映上台。

書埋土中 凶

占 此兆主晦暗不明之象。文士未能發達。九流不遇其時。一應經營謀望。尚宜守正。不可躁進。病者有不起之憂。惟農圃夢之大利。

讀書樓閣上 大吉

占 讀書高閣。達天衢。學士文人夢最宜。手摘星辰。揮北斗。身居層聳。瞰南畿。玉堂仙客。從天授。金馬風流。涉翠薇。若是庸常商賈。子太嫌寥廓。未稱奇。

讀書城樓上 凶

占 夢中誦讀在城樓。此兆須防樂處憂。職守慮將兵寇起。家庭當備賊人偷。生涯還是風中火。商賈猶如浪裏舟。一切在人加。謹慎。天公錫爾福悠悠。

書放光焰 大吉

占 詩書墳典。騰光燄。士子文章。寶氣生。進祿加官宜仕宦。豐財厚利。稱經營。身懷六甲。當生貴。公訟堪。日 誇審問明。一切謀圖皆得意。老人問壽。壽千春。佳兆。

書破碎 凶

占 此兆狼籍破敗。夢之諸事不宜。病人死。訟大虧。

○○○經卷類

周易 貞吉 否凶

占 觀變於陰陽而立卦。發揮於剛柔而生爻。是經也。有吉凶消長之理。進退存亡之道。學易可以寡過。日 故孔子韋編三絕。夢讀之者。積善有慶。積惡有殃。君子遇難得免。小人行險必亡。王勃嘗讀易。夜夢若有告者。曰。易有太極。子勉思之。寤而作易。發揮數篇。至晉卦。會病卒。

吞易三爻

虞翻初立易注。奏上曰。臣聞六經之始。莫大陰陽。是以伏羲仰天懸象。而建八卦。觀變動六爻。為六

十四。以通神明。以類萬物。臣高祖父故零陵太守光。少治孟氏易。曾祖父故平輿令成。續述其業。至臣祖父鳳。為之最密。臣先考故日南太守歆。受本於鳳。最有舊書。世傳其業。至臣五世。前人通講。多玩章句。雖有秘說。於經疏闊。臣生遇世亂。長於軍旅。習經於枹鼓之間。講論於戎馬之上。蒙先師之說。依經立注。又臣郡吏陳桃。夢臣與道士相遇。放髮披鹿裘。布易六爻。燒其三以飲臣。臣乞盡吞之。道士言易道在天。三爻足矣。豈臣受命。應當知經。所覽諸家解。不離流俗。義有不當。實輒悉改定。以就其正。孔子曰。乾元用九。而天下治。聖人南面。蓋取諸離。斯誠天子所宜協陰陽。致麟鳳之道矣。謹正書副上。惟不罪戾。

坤乾 吉

占 孔子之宋。得坤乾焉。坤乾者。商湯所著之書也。而今失其傳矣。夢兆與周易同。有地天交泰之象。凡事皆吉。而求名大利。

毛詩

貞吉 否凶

占 詩本人情。該物理。夢之者。事理通達。心氣和平。專親為孝子。事君為忠臣。吉凶禍福。各以類應。杜牧夢書竹帛曰。皎皎白騎。在彼空谷。寤而歎曰。此過隙也。吾生於角。徵還於角。為第八宮。吾之甚厄也。予自湖守遷舍人。木還角足矣。其年以疾終。年五十。

周南召南 吉

占 周南始關雎。召南始鵲巢。夢之者。主有婚姻嫁娶之事。配偶賢能。室家和樂。子孫眾多。乃禎祥佳瑞也。之兆也。

二雅 大吉

占 小雅始鹿鳴。大雅始文王。夢此主明良會合。斯道大行。文成武就。顯親揚名。

商頌周頌魯頌

占 三頌所以祭宗廟。稱功德。致孝享。於神明。夢之者得助祭。或遣祭。或主祭。或分獻。歲時舉事。樂奏禮成之象。

尚書 吉

占 二帝三王之書。今有壁經之名。夢此得遇機會。凡事光亨。仕宦應作是官。士人應業是經。

禹貢 吉

占 此地平天成之績。國泰民安之效。夢此書者。將相建功立業。士民置產成家。在野者太平樂利。在朝者富貴榮華。

洪範九疇

占 此箕子歸周。作此以陳武王也。九疇與八卦相為表裏。夢此者。上知天道。中知人情。下知物理。

春秋 吉

占 孔子因魯史以脩春秋。嚴一字之褒貶。夢此經者。必能主持世教。公天下之是非。

禮記 大吉

占 經禮三百。曲禮三千。為立身之大本。夢此者。品節詳明。而能辨上下尊卑之等。德性堅定。而不受阻撓。擢奪之紛。居鄉為大賓。在朝為宗伯。

樂記 大吉

占 樂所以事神人。和上下。夢樂記者。主有宴享朝會。祭祀慶賀。婚姻等事。居家主和樂之美。居官主調任。

周禮 吉

占 周公制禮。所以辨上下。定民志。夢此者。三綱必正。九法必明。因而盡心以求上達。則無所不周矣。

孝經 大吉

占 孝經有十八章。統論天下之孝。夢此者。生男必大賢。為臣移孝作忠。為子因親錫類。著美當時。流芳百世者也。

大戴禮 吉

占 漢儒紀載之書也。禮者。天理之節文。人事之儀則。天人感應。夢此。主得貴子。晝生似父。夜生似母。壽可比老彭。

小戴禮

宋庠字公序。開封雍丘人。父杞嘗為九江掾。與其妻鍾氏禱於廬阜。鍾夢道士授以書曰。以遺爾子。視之。小戴禮也。已而庠生。他日見許真君像。即夢中見者。庠天聖二年。舉開封禮部。皆第一。歷官參知政事。

先聖授六經

占 學者夢此。天以佐其才也。博學深造者夢此。大以祐其德也。無學而夢之。天將啓其蒙也。齊季鉉字寶鼎。渤海人。為六經疏例。多發已意。鉉嬰疾。夜夢孔子忿其廣為疏例。擊而捶之。既寤。其疏例被焚。尋而病愈。黃澤嘗夢見夫子。以為適然。而屢夢見之。最後乃夢夫子手授所授六經。字畫如新。因是感發。揭六經疑義。以示學者。

史傳類

三墳五典之書 吉

占 智士夢此。必得秘傳之妙。常人夢此。必有起家之術。婦人夢此。可作女中之學士。

國史

占 編年記事之書也。高才貴宦夢之。為當朝修史之兆。為善者夢之。百世流芳。為惡者夢之。萬年遺臭。

列傳 吉

凡夢之者必有所得。或得文才。或得名利。或得良友。或得賢嗣。或得成家立身之道。

吳奎將舉賢良。夢帝問羣臣優劣。以韓延壽對。是夕門下抄書吏楊開。夢奎讀楊阜傳。翌日告奎。奎覽二傳。及試六論。有一題。乃韓延壽楊阜孰優。時奎果中首選。

宋祁父玘。夢一偉人。遺文選一部。而生祁。故小名選郎。

○○○佛老類

佛法 吉

佛法自漢入中國。前人未有佛之者。兼金四十二章經。勸善戒惡一法也。夢此者。得佛力普度。

佛菩提阿羅漢誦經說偈

凡夢此者。釋迦牟尼托此夢。以普度眾生也。信受奉持。則災消禍解。自是受福無量。○南無兩字有

誰知。口說南無。心自痴。夢中得。遇引提佛。奉勸存心。信受持。

金剛經 吉

隋杜之亮為漢王諒府參軍。後諒於并州舉兵反。敗。諒與僚屬皆繫獄。諒惶懼。日夜涕泣。忽夢一僧。曰。汝但念金剛經。即此厄可度。至曉。取經專誠習念。及主者並引就戮。諒身在其中。唱名無諒。既行刑。主者坐罰。俄而會赦。得免。後為黃州刺史。

觀音經 吉

王玄謨圍滑臺。軍敗。將見殺。夢人告之曰。念觀音經千遍。則免。既覺。誦之。得于遍。明日將刑。誦之不輟。忽官將傳呼停刑。

僧處瑄病目。夢觀音授偈。令每旦咒水七遍。或四十九遍。用以洗眼。處瑄跪授而寤。悉能記憶。如法誦之。不踰時平愈。其偈曰。救苦觀世音。施我大安樂。賜我大方便。滅我愚痴暗。賢劫諸障礙。無明諸

罪惡。出我眼室中。使我視物光。我今說是。偈。洗懺眼識罪。普放淨光明。願觀微妙相。

彌陀經

占 西方大聖號彌陀。留下經文渡愛河。四色花中呈寶相。七珍池裏湧金波。學人夢此文生彩。商旅占來貝積珂。惟有病人為不吉。夕陽西下奈將何。

梁皇懺

占 梁皇懺法解冤懋。却后乘茲勝妙船。脫却蟒蛇三惡趣。得生忉利九重天。病人夢此災殃散。官訟逢之刑罰蠲。士子未遭商失利。祇宜靜守莫爭先。

血盆經

占 大目健連禮血盆。報酬罔極母恩深。正人夢此添餘慶。妄士占來是禍淫。商賈因之當大獲。家庭豕畜足千金。若人未有承。桃胤一載之中產寧馨。

香經

占 竺乾梵貝寫番經。法說真空法更真。此兆錢財虛內實。百凡圖望屈中伸。

聖經

占 此兆主益智慧。逢財遇喜無不吉利也。

金字經

占 金黃金也。經是佛說。主金口不易之象。夢之者。相期無失約。往來遇信人。或有阻於姻事者。必得再合。債負欠羈者。必得償還。

朱字經

占 朱。正色也。夢之當有喜慶臨門。士子脫白。掛綠之象。春夏不宜。夢此恐有火燭之虞。

準提呪

吉

占 準提菩薩大慈悲。提挈眾生信不移。夢裏若能持此呪相逢。定得貴人提。家庭百事憂成喜。人眷團圓合不離。更在謹身修。已德方能全美印仙機。

大悲呪

占 陀羅尼是大悲心。一念專持密法音。此兆定知逢貴客。田禾久旱得甘霖。官非獄訟應消散。貿易生涯積萬金。只有病人防不起。大悲兩字豈宜侵。

楞嚴經呪吉

占 摩登伽女。攝阿難。佛頂光中。寶相完密。語宣揚神。鬼伏擎山。持柞夜叉寒。若人夢裏能持誦。邪祟消磨不復干。宵小潛藏皆遠遯。家門雍睦笑聲歡。

心經

占 菩薩洪名觀自在。觀空五蘊說心經。六塵無處容他染。恐怖何能念裏生。此夢財源為未得。求名應

日 舉亦難成。九流僧道逢斯夢。術業通時法事亨。又 心經云。遠離顛倒夢想。究竟涅槃。若人求道心切。得此夢。必能悟人。

藥師經吉

占 夢裏持經禮藥師。消災延壽獲天禧。離家已散無凶慮。提掇相交有故知。病遇良醫隨手愈。藥逢靈草果稱奇。占來若遇軒岐業。國手神聲海內馳。

孔雀經吉

占 經宣孔雀大明王。夢得佳徵福壽長。進喜蒙恩生貴子。傳家事業更隆昌。田園增擴盈千頃。金帛收積足萬箱。尤在斯人恒積德。佇看家出紫薇郎。

地藏經

占 幽冥教主地中王。金口宣揚意味長。夢裏忽來真可異。須防人眷有災傷。倘能修德存仁義。好事原

曰 來未可量。三載之中須報應。不期掘地有埋藏。

道經

貞吉 否凶

道教皆從老子來。而得道者寡矣。凡夢此者。天神以此省之也。因而自省其身。則諸禍自解。其迷而不悟者。似

吉而實凶。

江南校書周延翰。性好道。頗修服餌之事。嘗夢神人以一卷書授之。若道經然。其文皆七字為句。唯記其末句云。紫髯之畔有丹砂。翰寤而自喜。以為必得丹砂之效。然翰有一婢名丹砂。未遣。後竟無所得。以疾卒。夢意似有微云。

仙經

吉

辟穀導引。却病延年之書也。夢此主消除俗念。排遣世情。心悟意適。氣爽神清。有夢此而得老壽者。有夢此而成仙道者。有夢此而白日飛昇者。

信宗自晉王即位。幼而多能。素不曉碁。一夕夢人以碁經三卷。焚而使吞之。及覺。命待詔觀碁。凡所指畫。皆出人意表。

玉皇經

貞吉

金闕宣揚清虛境界所說之經也。夢之者。宜于清脩高隱。不宜逐利市人。宜于空拳九流僧道等輩。不宜齎資將本之家。病宜靜養。訟惟聽天。

朝天懺

貞吉

朝天。即見君之徵也。文人主有入侍天顏。庶人尚宜謹身脩德。悔過遷善。以俟天之錫賚。病人夢此。不利。蓋有歸天之兆。

清淨經

吉

天主清兮地主寧。夢之應兆定玄冥。虛無最利求名士。博厚還宜覓利人。事業金湯無改革。壽源綿

曰 遠承餘齡。少年才子逢斯兆。筆穎生光思入雲。

三元經 貞吉

占 寶誥三元三品。文人兆此佳徵。江湖商賈獲千金。遊學仕途俱稱。○病者宜禳善願。祈男定得祥麟。在人積德與脩身。蟄蟄螽斯衍慶。

文昌經 貞吉

占 九天司祿號文昌。金口宣傳秘寶章。若使世人能入夢。文人定主姓名揚。○官爵顯美流芳。經商財利足千箱。災消福集臻餘慶。訟得清官病得康。

南北二斗經

貞吉 否凶

占 南斗注生北注死。夢中兆此謾推詳。老人益壽臻餘祿。少者逢之主喪亡。春夏生涯東去好。秋冬却利在西方。文人得此為佳兆。慎密行藏大吉昌。

竈王經

貞吉 否凶

占 司命之神所宣真誥。不遑警戒世人。人若夢此。當脩身謹行。自當獲福。不然便有奇禍至也。

○○○詩詞類

命題屬文 吉

占 夢神人命題者。天意所在也。因而屬文者。學力所及也。凡夢此者。譽顯當時。名揚後世。司馬相如將獻賦而未知所為。夢一黃衣翁謂之曰。可為大人賦。言神仙之事。賦成以獻。帝大嘉賞。賜錦四疋。

白玉樓記

唐李賀。夢人持版告曰。天帝白玉樓成。請君為記。寤以語其母。不久有烟氣起而賀卒。後其母夢賀曰。上帝近遷都舟園。建白瑤宮。召為新宮記。又作凝虛殿。使纂進樂章。

靈槎賦

馬希先。懷遠人。舉鄉貢進士。前一夕夢靈槎賦。及入試。果然。

祭春牛文

元豐六年十一月二十七日。蘇文忠軾。夢數吏持一幅紙。上題云。請祭春牛文。乃書云。三陽既至。庶草將萌。爰出土牛。以戒農事。衣被丹青之好。本出塗泥。成毀須臾之間。誰為愜喜。

曉寒歌

蕭貫少時。夢至一宮殿。羣女如神仙。一人授紙云。此行波箋。煩賦曉寒歌。授筆立成云。十二窰關隱宮綠。獸狎呀酒椒。壓馥渴鳥涓涓不相續。輓轡欲轉。霏紅玉。百刻香殘。頌蓮燭。五龍吐水漫寒漿。紅綃佩魚無左璫。兩兩懸足瞻扶桑。紅萍半規出波面。回首觚稜九霞絢。鳴鞘遠從天上來。大劍高冠滿前殿。仙曰。子詩甚有奇語。異口必貴。祥符中。登蔡齊榜進士。

召書碑石

陳留蔡少霞為兗州泗水丞。一日沿溪獨行。忽得美蔭。因憇焉。不覺成寐。夢中為褐衣鹿幘人召去。經歷門堂。見玉人命以領事。即引至石碑之側。令書其碑云。蒼龍溪新宮銘。紫陽真人山玄卿撰。書畢。因覽讀之。忽焉遂寤。猶能記憶其略云。昔乘魚車。今履雲端。觸空仰塗。綺輅輪困。末題曰。五雲閣吏蔡少霞書。

輓歌

沈亞之。夢為秦公幼女弄玉婚。公主死。作輓歌。應教曰。泣葬一枝紅。生同死不同。金釵墜芳草。香綉滿春風。舊日聞簫處。高樓明月中。梨花寒食夜。深閉翠微宮。

姚令謂沈亞之云。吾友王生元和初。夢遊吳。侍吳王。聞軍中出輦鳴笳。吹簫擊鼓。言葬西施。王悲悼。召門客作輓歌詞。生應教為詞曰。西望吳王闕。雲書鳳字牌。連江起珠帳。擇地葬金釵。滿路紅心草。

三層碧玉障。春風無處所。悽恨不勝懷。王甚嘉之。寤能記其事。

作墓志

太和初。沈亞之行。出長安城。客纈泉邸舍。夢秦穆公曰。寡人有愛女。與大夫備洒掃後二年。公主忽卒。公追傷不已。使亞之作墓志。獨憶其銘曰。白楊風哭兮。石甃髣髴。雜英滿地兮。春色烟加。朱愁粉瘦兮。不生綺羅。思之埋土兮。其恨如何。

賦詩為贈

盧元明字幼章。與穎川王。錄友善。忽夢錄攜酒言別。賦詩為贈。及明憶其詩。有十字云。自茲一去後。朝市不復遊。元明嘆曰。錄性不狎俗。旅寄人間。乃今有夢。又復如此。必有他故。經三日。果聞錄為亂兵所害。尋其亡日。則是夢詩之夜。

作新詩

蘇軾在黃州。夢參寥誦所作新詩云。寒食清明都過了。石泉槐火一時新。曰。火固新矣。泉何故新。答曰。俗以清明日淘井。非新泉乎。

人授樂曲

蜀節度使王俸。義有女。許適荆南高從誨之子。性聰敏。善彈琵琶。嘗夢人授樂曲。所授之人。其狀或道。或俗。其衣或紫。或黃。有一夕。而傳數曲。有一聽而便記者。其聲清越。與常調異。似仙家紫芝之類。既適高氏。數年而亡。咸以為謫墜之人云。

教為詩

胡生以釘鉸為業。居近白蘋洲。旁有古墳。每茶飲必奠之。忽夢一人謂曰。吾姓柳。平生善為詩。而嗜茗。感子奠茗之惠。無以為報。欲教子為詩。生辭以不能。柳強之曰。但率意言之。當有致矣。生後遂工詩焉。時人謂之胡釘鉸詩。柳當是柳惲。

誦詩

宋狄遵度好為古文。尤嗜杜甫詩。嘗讚其集。一夕夢見甫誦世所未見詩。及覺。纔記十餘字。遵度卒成之。是為

佳城篇。

紹興乙卯。新城吳中赴鄉試。其兄在家。夢中歸。自云經義中。用神聖有。作句。大愜意。其兄志之壁間。及中式歸。兄問以經義中。曾作神聖有。作語否。中云有之。然未嘗示人。兄何以知。兄語以夢。引觀壁間字。相與歎異。

人授詩

許叔微。少嘗以登科為禱。一夕夢神告曰。汝欲登科。須憑陰德。叔微自念家貧無力。惟醫乃可。於是精意方書。久乃通。人無高下。悉急赴之。既而所活愈多。聲名益著。復夢人授以詩曰。藥有陰功。陳樓閣處。堂上呼盧。六作五。是年登第六名進士。第上。一名陳。謂言。下一名樓材。及注關用升甲恩。如

第五名授職官以歸。與詩中之言無一字差。

鼓琴歌詩

趙武靈王。夢處女鼓琴而歌。詩曰。美人煖煖兮。顏若茗之榮。命乎命乎。曾無我羸。異日王飲酒樂。數言所夢想。見其狀。吳廣聞之。因夫人而內其女。姓羸。孟姚也。孟姚甚有寵於王。是為惠后。

踏陽春曲

邢鳳之子。夢一婦人。歌踏陽春曲曰。陽春。人間二月雨和塵。陽春踏盡秋風起。愁盡人間白髮人。

回文詩

東坡自叙曰。大雪始晴。夢人以雪水烹茶。使美人歌以飲。余夢中為作回文詩。覺而記一句云。亂點茶花垂碧衫。意用飛燕唾花故事也。

吟咏

占 夢中雖自其口出而神使之也。天之所以露其機也。故有以異於平日之所撰。而為事物之識。楊備天聖中為長溪令。忽夢作詩云。月俸蝮錢數甚微。不知從宦幾時歸。東吳一片輕波在。欲問何人買釣磯。意甚異之。明道初為華亭令。丁內艱。遂過吳中樂其土風。乃效白樂天作我愛姑蘇好十章。因卜居焉。始悟前夢中語為有徵。

昇天詩

李賀夢中作昇天詩云。老兔寒蟾泣天色。雲樓半開壁斜白。玉輪乾露濕團光。鸞佩相逢桂香陌。

湘靈鼓瑟詩

錢起夢中得句云。曲終人不見。江上數峰青。寤而不知所謂。及廷試以湘靈鼓瑟命題。詩成無佳結語。忽憶夢中二句。遂用之。因得第一。內批。二語若有神助。

梅花詩

少保干謙於景泰四年正月十九日。夢作梅花詩云。水邊籬下兩三枝。冷艷寒香祇自知。看盡春風齊結子。調羹還有倩人時。及天順復辟。干被逮。後追謚肅愍。

花月詩

貞吉 否凶

花月情詞。景況之不顯正也。兆此主有幽暗中。小人謀害。須慎其行。藏戒其言語。庶可挽禍為福。不然。當有災眚。來自女人也。

李太白詩

太白乃天上謫仙。其詩詞豪宕之氣。自非人工雕琢。今夢之者。凡事不可強為。自有一段清高富貴之處。士子文章日進。藻思如流。經商財利日增。運通八表。若將欲涉川泛海。不宜夢此。恐有失足墮水之害。

杜子美詩 吉

占 子美乃峨嶠逸品。玉部仙才。其清聲雅韻。迥出風塵。夢其詩篇。豈為庸下之子。舉菴當為魁首。仕宦超擢詞林。雖商賈之流。亦無往不利。

律詩

貞吉

律。法律也。詩之作體。製度嚴整。不得絲毫紊亂。如國之以律治人。不使少有踰越也。若有此兆。當愈加謹慎。非禮之事。莫行。非法之言。莫出。非義之財。莫求。非正之門。莫入。如是。則士得名。商得利。一應皆吉也。

絕句詩

貞吉

絕。截也。作詩之法。一氣呵成。截然而無牽掣之意。則詩之風韻自見。人若夢此。當勇于為善。謹身脩行。則福自然致矣。

七步詩

占 七步詩。乃子建之詩也。七步成詩。快捷之兆。主財利易得。功名蚤成。圖謀速就。行人便歸。音信在邇。曰 孕生男。惟病不吉。

五噫歌

貞吉

五噫歌。乃梁鴻不遇慨歎之詞也。夢得此兆。百事憂煎。然在人之守正。則名可成。利可就。如未娶者。當有賢妻。

除夕詩

貞吉

占 除者。除舊布新也。托詩比意者。寫其景况也。夢此者。主氣象更新。門閭改觀。亦必在人去其舊。染惡習。方叶此兆。而得嘉慶也。

元旦詩

吉

占 元旦詩。乃叙其一元正始。斗柄東旋。萬物從新。韶光乍展。凡夢得此兆者。大為佳瑞。士得名。農大獲。

日 工商等輩。無不為美。

壽詩

占 壽詩為源。深流長之兆。然必味其詩中語意。定之吉凶可也。

新婚詩

占 此兆主士子登科。名利兩得。亦必詳其詩中美惡。通變之可耳。

早朝詩

大吉

占 絳幘雞人報曉。尚衣方進雲裘。早朝僊句勝瀛洲。夢裏相通豈偶。○士子功名蚤就。英才譽蜚皇州。庶人百事巧機投。運似三春花柳。

歌謠

占 此兆大抵吉凶相半。看其夢中語意定之。

哀詞 吉

占 凡夢此者。當有喜事至。歡聲動也。

○○○字畫類

古體篆書 吉

占 上古結繩而治。後世聖人易之以書契。乃有鳥跡篆文。夢得此書。主心竅開通。才思勃發。榮華滿其身。福祿遂其志。大吉之兆。

唐韓愈。夢人以丹篆一卷與之。旁有一人。撫掌而笑。後見孟郊。乃撫掌笑者。王九。夢老人教以篆書符籙。嘗為玄道歌。言脩煉之要。太宗召赴闕。賜道服。賜名趙自然。遣還。真宗召賜紫衣。

隸書 吉

古者詩用蝌蚪。秦以篆易之。至漢而改作隸書。與今所書相似。夢隸書者。其體簡易。其義明白。接人待物之間。不疾不徐。一了百當。

草書行書

自唐以後。書札往來。字畫多從簡易。筆法放縱。不謹。得成草書行書之名。凡夢此者。似吉而反凶。似凶而反吉。當以時事推之。而後弗惑。

蜀宗正少卿孟德崇燕王貽穀之子也。自恃貴族。脫略傲誕。嘗太廟行香。攜妓而往。一夕夢一老人責之。且取案上筆。叱令開手大書九十字而覺。翌日與賓客話及此事。自言老人責我。是惜我也。書九十字。賜我壽至九十也。客有封璉戲之曰。九十字。得非行書卒字乎。不旬日果卒。

楷書真字

凡夢此者。其象因人而施。其兆即物而見。其文深。其義隱。或占其音。或占其體。後皆有驗。

一木破天

王敦夢一木破天。占曰。此是未字。未可動耳。

西土瓦中人

晉鄒湛。夢人拜。自稱甄仲舒。求葬。覺思之。曰。字合西土瓦中人也。乃取葬之。復夢其人來謝。

昆脚皆頭

杜牧於宰執求代。不遂。夢人曰。辭春不及。秋。昆脚與皆頭。果得比部員外尚書郎。

田頭田尾

曾崇範之妻。先許聘數人。每至親迎之夕。其夫輒死。一夕夢人謂曰。田頭有鹿角。田尾有日炙。乃汝夫也。及嫁。曾方悟此夢。

角斗非真

北齊褚士達。夢人倚戶授其詩曰。九升八合。粟。角斗定非真。寢却津中水。將留何處人。寤以告祖珽。珽曰。角斗斛字。津却水何留人。合成律字。非真者。謂斛律待我不實也。時祖珽嘗得罪于斛律光。因是謀害光。

不成不平

一儒生至九仙廟祈夢。夢中一人語曰。成不成成。平不成平。清水橋邊。乃見分明。此生久不遇。每憶此夢。然卒不知所謂也。一日過一橋。上題曰清水橋。生訝焉。頃之。有一老父至。生乃述所夢以問之。父曰。生今年得矣。成不成成。成字也。平不成平。平字也。今年戊午。將無徵乎。已而果然。

片犬

梁顯進選。前十日。夢人賜犬肉一片。顯不悅。以問術者。曰。片犬。狀字也。果為狀元。

火山軍

有堂吏夢火山軍。姓劉人。作狀元。明年狀元劉燿。

車中猴

謝小娥初嫁大賈任華。其父升與華往長沙。娥忽夢父泣謂曰。我與汝夫。湖中遇盜。殺我者車中猴。東門草。又夢夫曰。殺我者禾中走。一日夫驚寤。問遍諸姻。莫能曉。隴西李公佐占曰。殺汝父者申蘭。殺汝夫者申春也。猴。申生也。車去兩頭為申字。門。東草為蘭字。禾中走者。穿田也。亦申字。一日加夫為春字。娥訪之。乃名盜亡命者。即詭易男服。泛江湖間。於江州獨樹浦申村中。見申蘭兄弟。因求傭餘年。無知其非丈夫者。伺二盜飲醉。娥奔告刺史張錫。擒獲蘭春。就法。娥乃從釋教。法名曰妙寂。

弓與不得

弓與。潭州人。乾道四年冬。偕鄉里六七人赴省試。過宜春。謁仰山祠祈夢。與夢至官府。見柱揭紙一片。書弓與不得四字。但不字稍聯。接上下。而中乃空。既覺。殊不樂。自謂必下第。及入試。與中選。同祈

夢者盡黜。始以語人。謂夢不驗。好事者曰。不字斷。乃一个也。神言弓與一个得耳。

高何二姓

都太僕穆。初習舉子業。尤攻古文。托闕人黃體忠。代祈九仙夢。夢神謂曰。高嵯峨。在何處。後以古學受知於新昌何巡撫。鑑乃為推轂於莆田林督學。擢遂應南都試。中弘治乙卯舉人。而本房則高學諭士達。始悟高與何二姓。為應所夢云。

兩人夾木

一婦居室。夫久客未還。一夕婦夢巨木。兩人夾之。卜者曰。夫與木非來字乎。汝婿目下當歸。已而果然。然。大賈王華。

木傍人立

昔一仕宦。連夕夢站。之日。人傍木。休字也。不久果罷職。

占 且勿孜孜眷戀。○病者恐防就木。官非且喜消。造化循環自轉。

笠飄水畔

占 一人夢蒭笠風吹溪邊。占者曰。笠飄水畔。泣字無疑。果有父母喪亡之變。此兆分明逃世客。祇宜高隱在林丘。

火入林中

占 一人夢火入林中。不久為鄰舍延。及祝融之焰。始悟前夢一焚字也。此兆若在春月夢之。為應時之夢。主家道豐隆。人物繁夥。只要自己小心謹慎。為大吉之占也。若在秋冬夢之。為失時之夢。恐有火燭之驚。百凡謀望不遂。

靴匠倚石

夢林玄解

卷二十三

字畫

三

夢占

一人夢靴匠倚石不知何意占者曰靴匠乃皮工也皮傍石破字也不久家計蕭條人口零落耗散

一木兩火

一士夢一樹端兩焰竝發占者曰木兩火柴耀之光果得登第貴顯

三女同居

一人夢三女同室後有私姦事敗露

虎腹三枝箭

昔有因姦致死者株連頗眾而不能決主讞者夜夢一虎腹中三矢明日閱案牘中諸犯有名彪者一訊即服

一水四魚

一人幼時常夢沼中四魚占者曰一水四魚鯨字也是人至老孤獨

人騎牛背

一人夢騎牛背占曰人在牛背失字也復不騎其啓閉果遭失脫之憂

人言犬吠

一人夢一人言一犬吠術士曰人言犬吠乃獄字也是人果遭獄囚之繫

一斗入門

一人夢一斗入門占曰一斗入門開也是日果有開毆之恐

兩絲纏白木

一人夢兩絲纏白木占曰兩絲纏白木樂字端可卜樂亦在其中奚必壓梁肉

一人立門內

凡門內人乃閃字也人若夢之主有不測之事將害于己宜及早閃避也或我欲尋人而主他人躲

閃無可踪跡。

鼠戴笠子

有一吏人迫于官訟。禱夢于神。夢鼠頭戴笠。既寤不解。因而再寐。夢神示曰。汝可質之某狀元。會有同所夢者。本以功名事來禱。竟無夢。吏故不知其人之姓。偶以夢中始末語之。其人特異之。乃剖示曰。鼠頭戴笠。鼠字也。亟走匿為是。某狀元。即指是人也。後果大魁。

夢林玄解卷之二十三

夢占

夢占

名數部

名姓 雜驗

奇名

異姓

定數

報應

〇〇〇名姓

天神命名

上帝所使也。有善有惡。以其字義審之。善者得福。祿惡者罹殃咎。或有明示者。或有隱示者。反覆詳推。自能解也。大約夢此。吉多凶少。人當因夢自省。

神呼姓名呵責

平日之譴。夙願有所未酬也。觀其呵責者何言。怒罵主疾病。叱喝主災厄。亦有叱之使有所避。則必免難。反有益也。如神止呼其名。當有喜事至。

周武王與叔虞母會時。夢天謂武王曰。余命女生子名虞。余與之唐。及生子。文在手曰虞。故遂應命之曰虞。武王崩。成王立。唐有亂。周公誅滅唐。成王與叔虞戲。削桐葉為珪。以與叔虞曰。以此封若。史佚因請擇日立叔虞。成王曰。吾戲之耳。史佚曰。天子無戲言。言則史書之。禮成之。樂歌之。於是遂封叔虞于唐。是為晉。

至文公伯諸侯。齊董賢明為越騎較尉。妻宋氏有娠。夢有人語之云。爾必生男。體上當有青誌。可名為青建。及生男。如言名之。後青建十四。西州辟主簿。建元初。為水曹參軍。

神賜姓 吉

占 所生之本。本立則林茂。夢此者家計日豐。子孫日盛。昌大隆裕之兆也。士人夢之。主得大祿。或錫土。

日 未嫁女子主招夫。已嫁女子主易夫。

神命字

占 字可以行。以之命我。運必亨通。謀事有就。壯者益福。少者大成。丈夫奮志。顯功揚名之兆也。亦有當就所命之字推之者。

日 細加審察。必有徵焉。

簡文帝閱讖書。見中有云。晉祚盡昌明。及李后懷孕。夢神人謂之曰。汝生男。當以昌明為字。及產武帝。時東方始明。因以昌明字之。簡文後憶前讖。乃悟。因為之流涕。晉祚自此傾焉。

神聖令之更名 吉

占 誠感所致。吉無不利。文明豹變之符。行滿德充之証也。夢之者得名得利。革故鼎新。應有貴人眷寵。坐享榮華。無論已仕未仕。或老或少。或商或賈。或幼豎婦女。凡夢此者。皆有大美大喜之事至矣。

唐大曆中。夔州推司楊旬子將入試。旬夢金剛神謂之曰。汝陰騭有感。吾特來報汝。汝子須改名楊椿。場屋中吾當助子。旬既覺。即令子改名納卷。遂中第六。

豆盧署。本名輔貞。少年旅于衢州。刺史鄭式瞻厚待之。謂曰。子複姓。不宜二名。吾為子易之。乃書署。

著助三字授之曰。吾恐子羣從中有同者。子自擇焉。其夕夢一老父告之曰。聞使君與君易名。君當四舉成名。四者甚佳。又曰。君後二十年當牧茲郡。又指一方地曰。此處可建亭臺。既寤。因改名署。時已再下第。又二舉後復不第。又二舉乃成名。蓋自改名後四舉也。後二十年果為衢州刺史。乃于所夢之地立徵夢亭焉。其不爽如此。

曹熙夢之官府。見有曹穎叔名。遂更名穎叔。字秀之。後以進士及第。歷官天章閣待制。歐陽程初名和。營道人也。赴省試。夢一童子行速。和問之。童子云。以今科省榜報各處城隍。遂問湖廣陽和中否。應曰。有陽程。無陽和。到省自陳改名。程是年果登王世則榜進士。時宋太平興國八年也。後仕至屯田員外郎。


黔南軍士姓賽者。性鯁直。所居鄰孔廟。家每食必先祭之。如是者累年。咸通二年蠻寇作亂。侵境。廉使閱兵。擇將未獲。賽忽夢一人冠服若王者。謂曰。吾仲尼也。媿君每領軍。于吾。吾當助君。君可更名宗儒。自此富貴矣。既覺喜而更名。請行。方擇將時。人盡畏避。忽聞宗儒請行。即遣之。一戰而大破蠻寇。餘孽皆遁。黔帥表上其功。授朗州刺史。累遷司農卿。

指物令名

占 天機示于隱微。或顯或藏。夢此者。物佳則名之吉。物惡則名之凶。吉凶之間。即人心之明而深體之。曰。自能悟出。吉者趨從。凶者改避。則吉者固吉。而凶亦可化為吉矣。

劉審義夢一人引上檀香樹。謂劉曰。君速登。以為名。覺後因改名檀。無何授殿中侍御史。或以為糾彈之。義云。

宋鄒應龍初名某。未試前乞夢于大乾廣祐王廟。夢室內兩龍盤旋。已騰上一龍之背。越前而出。既覺遂更名。次年省闈莫子純首冠。鄒居第二。因親策士。以子純有官。不可以為首。乃依故事。升鄒為大魁。



神人告以所遇者

占 心虔則可以通神明。夢寐之兆。皆平昔之修為所致也。如得是夢。當詳夢中告我者何神。所遇者或何等。人或何處。遇何姓何名。

曰 然後辨其善惡。必有驗也。
常州丁逢。夢人告之曰。汝欲得第。須逢丁可。逢以爲丁歲。乃改名逢。期欲應之。至隆興元年。省榜出。果有天台丁可。姓名。然度其官。未應作試官也。及乾道元年秋試。丁可待闕家居。漕使聘爲考官。逢自慶必得矣。無何。可以病出院。逢大懊惱。然出榜。則有名。寃其故。乃可去時。執一卷囑他試官云。自得此卷。便擬寘前列。願勿遺之。雖死亦瞑目。及會卷時。各有所主。不服爲計也。適已取一卷。犯諱當斥。遂以逢卷補之。亦錄可力云。

名當顯何年

功名顯達。數錄前定。不安分者。每多妄想。故往往有暗中指示。微返機緘。醒迷入悟。而在夢爲多。毫

占 髮不爽。但其間或隱或露。變幻莫測。誠不易推。當隨夢中所見所聞。或按姓名。或按年月。審其人之

曰 有無。計其時之遠近。果與夢合。則必應。如與夢違。別是無成。升遐之先徵也。其細參之。
金李世弼。從外家受孫明復春秋。貞祐初三。赴廷試。不第。推恩授彭城簿。鬱鬱不得志。遂復求試。一夕夢在李彥榜下。及第時。計偕無此人。其子昶。年方十六。已能爲程文。乃更其名曰彥。至定興二年。父子廷試。彥果以春秋中第二甲第二人。
世弼中第三甲第三人。乃知夢之不爽。
魏清累舉不第。將入試。夢人云。當同陳臯。是年臯第五。而清下第。後三載。清亦第五。計臯與清得第。皆入舉矣。始臯爲餘于尉。至此任滿。清亦除餘于。適交代焉。

榜中見人姓名

榜有金。有銀。有鐵。有竹版。所見者。或已名。或他人名。榜在何處。列在何榜。然後詳推之。金銀榜中者。主台鼎之器。鐵竹者。主郎官秀士之才。若其應之遠近。更須按時叙而推之。倘榜中多死人。多而巳。

夢林玄解

卷二十三

各姓

四

夢占

名或他人名列在
其中必大凶之兆
元絳叔赴試夢至一堂榜曰侍中堂堂中
列人姓名有韓琦字時琦未第後果拜相
趙槩初名禮嘗夢神人金書名簿有趙槩
者遂更名應之後登第歷官至吏部尚書

死者稱名

得此夢者主鬼求食或求度或生前有所逋而索
如夢者是祖先宗親主陽宅不安棺槨暴露是故
舊知已主其人妻孥凍餒求照顧是子侄幼輩主
求撫卹其孤或求薦拔覆露如夢者是不合之
人主有大病至當祈求
神佛解釋禳遣則吉
涼文王張駿夢一人鬚眉皓白自稱子瑜曰地上
之事付汝地下之事付我王寤問之有侯子瑜先
死得其曾孫亮
以為祚連令

通名乞葬

陰陽不和人口不寧之兆也夢此主宅基地中有
瘞棺當遷瘞之如不得其處則薦度之不然其家
人多疾病多啾唧歲無寧日蓋彼不安則令此亦
不安也亦或有暴屍沙磧來求掩覆者當以所夢
之詳

鄒湛嘗夢一人來拜自稱甄仲舒求葬湛覺思之
曰字合西土瓦中人也乃往取果得之因厚葬焉
夜復夢其人拜謝

易不祥名 凶

有生則有名名與命關生死者也易名而不祥豈
佳兆哉按其字義輕者主財散次主疾病至惡者
主死亦或有骨肉分離兵荒水火之厄應者大抵非吉利之兆
杜牧忽夢人告之曰爾改名
畢物以為不祥其年乃卒

禮神佛稱名 吉

占 用下敬上。順道也。夢此者主益福壽。士人夢之爵祿至。常人夢之財利增。謀事亦就。出行無阻。所主必清淨之家。以臣遇君。從否得泰之象。有疾人夢之。主疾愈。然當薄為作福。

人與已同名姓 吉

占 同心斷金之象。夢此者舉子主交益友。商賈主招良伴。作事得人。力輔助。動無不利。是夢之徵。唐丞相李珣節制淮南。一夕夢入洞府。見石壁填金書姓名。內有李珣字。方自喜。有二仙童云。此乃江陽部民李珣耳。既寤。詢之民間。果有廣陵人李珣者。年近百歲。究其生平所為。以販穀為業。每斗惟求利兩文。有糶糶者。即授以升。俾自量之。意以此得果報云。

言姓求生

占 毛寶放龜。宋郊渡蟻。及第封侯。皆得厚報。物類雖微。性靈無異。故種種生類。遇有災厄。思得脫免。或托夢于好生善士。或托夢于愛物仁人。理固有之。昔多明証。物尚如此。人何必言。夢此無論人與物。因夢中之所見。悉力詳察。倘有所合。亟為拯援。俾得餘生。獲報之善。諒不下于毛宋矣。梁南郡太守劉之亨。夢二人姓李。詰之亨。乞命之亨。不解其意。明日有人遺生鯉魚兩頭。之亨曰。必夢中所感。乃放之。其夕夢二人謝恩云。當令君延壽一算。

忽易姓名

占 物有主。更主。則為易姓之兆。夢此必有遷移變產之事。或棄去所愛珍玩器皿飾服之類。老年夢此。主仙遊。幼童夢之。螟蛉與人。不然。則呂易羸。牛易馬。當預慮之。

與人商訂名字 吉

占 定終身之局。象成人之始。與人商訂。參是非也。籌可。否也。是得謙之義。惟謙受益。夢此者。每事宜虛心。待人宜和藹。必有大利益。建業必隆。樹勛必懋。以柔克勝人。其理了然。其明也。

述古賢聖名姓

夢林文角

卷二十三 名姓

六

夢占

占 夢此者主發希聖賢之志為一時彥俊主獲古本聖賢經傳或有品評經史之任商賈夢之主生讀書之子幼遇明師長必顯達哲人其懷泰山是仰誰云不吉哉

憶已名不起 凶

占 名者明也明其人為何如也故名之不可無也以無其名即無其人也今已名而忘之是自忘也有此夢主大不祥主已有大殃有床簣淹蹇之災甚者損身小者不起如在外主家有大難人離散財分拆或有椿萱虧損之憂非佳夢也

書名字地上

占 天地否塞蒙昧不明之象夢此者主已身為入土之兆出行不還家疾病者死或夢此而無災無咎者主得好陰宅

柳宗元自永州司馬徵至京時意望錄用一日請卜者告以夢曰予柳姓也昨夢柳仆地其不祥乎卜者曰無苦但憂為遠官耳夫生則柳樹死則柳木木者牧也君其牧柳州乎後竟如其言

金榜題名

占 此為甲第爭先之兆惟士子夢之為佳然必記其夢中景象而決之若神清氣爽志念從容是為吉兆若精神恍惚情緒昏迷則夢雖美而吉應尚未必商賈求利之徒俱為不利以其有名而無實也病人交秋大為凶兆

以字作名

占 又各題金榜夢堪誇凡上西窗竹影斜三唱雞聲春睡足床頭書濕漏烟霞

夢林玄解

各乃實也字又表名之義稱涉玄虛若夢此兆為求名未得其顯揚求利未遂其志願一切圖謀須防有虛詐假偽之人指東為西朝四暮三之輩惟訟羈身疾病未脫者夢之反為佳兆

夢林玄角 卷二十三 七
又 移各以字夢中呼顛倒乾坤婦作夫
占 堪歎人生真夢幻笑看玉兔逐金身

名書天府

天府即帝庭也名列其上大吉之兆士子夢之登
科及第仕宦夢之當拜相位道流釋子兆之證果
成真法譽振起一應九流公門異途商賈求利之
徒俱為吉兆惟有官訟之人恐事涉憲司天條不
宥病者喪亡立
至告斗保佑吉
又 夢中各姓標天府迢迢玉漏當三五
占 一枕黃梁半未炊何須得失從頭數

半空中呼名 吉

聞半空中呼名此突然薦拔之兆也當有憂中之
喜鬱抑處得伸舒交人久在淪落今乃平地登雲
占 商賈虧欠已多今乃一朝大獲婚姻未就當有平
日 姓之人及山谷居住及手藝匠作等輩作伐事得
也 就

又 半空忽有呼名姓聲譽傳揚未足奇
占 抑鬱未伸嗟久困今朝始得上天梯

師長命名 大吉

天地君親師義同一體天以覆地以載君以治國
而蒙德親以生身而受恩師以訓誨成性立命其
道均焉若夢師長命名是根基立而枝柯將茂也
占 士子當掇科名建事業致力王家立勛宇內其他
日 一切九流商賈之人亦皆興家創業昌大門閭子
孫世守而不遷人眷繁生而不替子嗣有芝蘭之
秀壽源有
山海之堅
又 命名夢荷承師長天地君親道一同
占 顯姓揚名成大業宵來寐寤兆先通

御筆題名

此乃玉陛傳臚龍頭賜狀之兆士子夢之主文章
日 必奪魁元然雖如是仍審其字畫邊傍全與不全
占 增添咬換恐吉處藏凶仙機豈能昭顯惟在人之
日 增

夢林玄角 卷二十三 名姓 八 夢占

細加詳察。自然應驗。其餘一切夢之。亦是吉多凶少之兆。御筆題名寶翰香。依稀夢裏侍君王。一枝暫作鷓鴣寄。他日翱翔集鳳凰。

名標青史 貞吉

此乃建大功。創大業。宣力王朝。擴充宇宙。得以流芳不朽。然又為忠臣烈士。節婦義夫。殺身成仁者。居多。夢得此兆。恐美中有惡。吉裏成凶。遇合非其人。動作有乖舛。直至災過福生。悲極樂至。惟在人之痛加脩省。以挽回凶兆可也。芳名赫赫。標青史。翰墨淋漓。書滿紙。義膽忠肝。草木香。勳猷揭地。掀天擬。

青漢中大書自己名字 大吉

此聲名振于四海。文章事業。彌亘天壤之兆也。士子功名可得。立朝志節。驚人為賈為商。必至巨萬。創家可學。陶朱婚姻。成必有貴人主。張生子秀。後日必當跨竈。事事亨利。件件稱心。更要在人脩德。

以應之。乃得全美。不然恐太懸虛。難擬。有始無終也。各姓書空掛太虛。日邊紅杏。後雲鋤。朝陽奮翮。看鳴鳳。破浪乘風。羨化魚。

名鐫碑石

是乃永久不磨之兆。士子文成錦繡。垂於不朽。仕宦政績如龔黃。聲名若韓范。但見先難後易。始屈終伸。商賈求利之輩。夢之。時運未能發達。受過一番跌挫。經得幾次槌擊。方得通行。女子夢之。主有喪夫之憂。以其有守志堅貞之象也。九流手藝之人。夢得此兆。皆為不吉。以其有轉動不能之象也。若欲興基創業。置買田園。乃為大利。以其有堅久不搖之象也。惟老年人及有病者。不宜夢此。恐歸泉已促。而誌石鐫銘也。

天帝呼名

夢中名姓。勒摩崖。垂久芳聲。百世佳。馳逐利途。應鬱滯。士人終得步天街。

天為清虛聖境。帝乃上界至尊。夢中得其呼名。乃紫微照耀。大貴提携之兆也。文人夢之。主步金階。朝玉陛。身侍龍顏之象也。商賈夢之。當有財帛大進。更要看人之修德何如。苟作事不合于理。立心未協于天。而得此兆。是上帝呼名深譴。將有奇禍至也。
又 金闕天皇玉口呼。九重雨露得沾濡。遊仙定有千年酒。入海先求萬顆珠。

王者呼名 大吉

此夢乃得聖人陶鎔點化之兆。士子文章日進。智慧日生。僧人夢之。當有法王感應。授圓悟之旨。黃冠兆此。道術靈通。驅神役鬼。生涯貿易之輩。夢之。財利大發。一切手藝人等。夢之。必有貴人提拔。病人當遇醫工。雖凶可救。
又 夢中呼召荷君王。日麗當空春晝長。海不揚波鯨偃息。一天星斗煥文章。

鬼呼姓名

鬼乃有聲無形。變幻不測。夢而得之。為虛中虛。幻中幻。宜于求名。不宜逐利。士子夢之中魁元。農賈夢之。為損耗。多凶少吉也。
又 夢中聞有鬼呼名。士子忻看賜祿榮。一舉首登龍虎榜。十年前是一書生。

公移中有已名字 大吉

公移乃官府之文書。公門之咨札。堂堂正正。無曲無私。上以檄下。下以呈上。對署則關牒相通。往來互通。而不紊亂。事雖機密。而無隱昧。凡夢得此兆。運將發達。顯著聲名。不問士農工商。九流等輩。皆為吉兆。
又 夢中名姓入公移。白日青天豈有私。國正官清民自樂。東風拂拂遍嘘吹。

名列牌坊匾額

牌坊乃頌德稱功。匾額為褒忠獎孝。嘉名美譽。昭顯人間。凡夢得此兆者。宜加勉勵。則福自厚。祿可

曰 臻。士子得功名。農人與賈客。未能獲大利。以其名過于實也。

又 列名匾額共牌坊。稱頌褒嘉借表揚。金帛因緣還未遂。文章聲價得增光。

名在版籍中

占 版籍圖籍也。計天下地里戶口之數。夢名在其中。將有掌握農田錢穀之政。若老年之人。及久病在床者。不宜夢此。冥

又 司註名。登鬼錄也。版籍書名。夢亦奇。農田戶口細無遺。少年當秉司徒政。老病堪憐。少藥醫。

旗幟上書已名姓

占 此乃張揚顯著。可舒可卷之象。在文人功名大顯。治則進。亂則退。有見幾之明。無損身之禍。在常庶家業可興。利則趨。害則避。有識時之智。無取禍之端。但商賈求利出行。江湖販貨。恐有踏空不實之兆。未為吉也。

又 旌旗名列任飄飄。高捲秋風漾碧霄。遠振英聲騰宇內。文成佳韻奏簫韶。

○○○奇名

以卍字為名 吉

占 此梵字也。夢之者必有佛力暗扶。學士主入居銓。曹商販主得奇珍異寶。老者夢之。益福增算。若少者夢之。智慧無比。惟孤寡夢之。主

出家修行有成。僧人夢之為上吉。張說嘗夢以泰岳形為名押。以告友人。友人曰。泰岳為五岳之尊。得中正之位。君以其形為押。夫押者識也。以泰岳為識。君其後為宰相。平。踰數年。果登政府。為唐名輔云。

名止半字

占 形不全而有體。欲成未成。可行未行。夢此者主意不堅。謀事無斷。猶豫無定。是以功名無就。財利難獲。當易柔為剛。轉懦為強。則委靡可振。新猷可觀矣。○半字不成字也。不成字。則不成名。名既不成

亨達何自其兆
如此夢者宜省。

犬作名

有聲有名。有守有義。吉利之徵也。犬于字為一犬。人。但須藉指點之力。夢此者為字內之俊杰。任官。登高位。學人掇巍科。常人夢之。當為巨富之。

人。寧靜鎮重。得良止之義。而巍巍不替者也。

陳炳嘗夢其孫師道。與一犬立圓板上。覺而不省。乃詢于杜庶。庶曰。犬立板上者。乃犬傍有板也。圓板。一片也。片加犬。乃狀字也。而且圓。孫其作狀頭。乎。炳悟而喜。咸淳中。師道果狀元及第。歷官參知。

政事。

黃旗書名

陳玄敦為寧遠掾。夢空中懸黃旗。大書一滯字。招搖上下。移時乃定。觀者如堵。及覺。而生子。遂以滯名。後登弘治己酉鄉舉。累官太原府同知。乃卒。

鳥呼人名字

占 夢此者。主赴盛筵。接賢賓主。有遠客至。主有所獲。如呼女人名字。主內人有私約。當就夢推之。

〇〇〇異姓

一人兩姓 吉

占 天無二日。土無二王。一人兩姓。似屬不可。然夢此者。反大吉。利。主得兩姓之財。或產業。或有兩人擬拔。主承嗣。主螟蛉。主入贅。倘老人夢此。則去陽就陰。不祥之兆也。

人問姓 大吉

占 聞而章微而顯。吾道將行之兆也。主吉。君子夢之。指日飛騰。攸往皆利。當受帝王之徵。食天家之祿。德足以符此夢者。必有貴下賤之徵也。

姓甚多 吉

姓者信也。指其姓使人有以信我也。姓而多。是信我者衆也。人能信我。州里蠻貊無不可行。是夢也。其以信服衆之象乎。信以事上。信以使衆。信以御下。誠能動人。其誰不欽。名聞海宇。業大乾坤。兆姓拱仰。所謀必成。以此細推。其詳可得而知也。

同姓異鄉人 吉

占 夢此者。主結異姓骨肉。終身依之。以為安。有所作為。必得其人之力。遇合在萍水之逢。幼年得賢師友之助。于象為身之手足。鳥之比翼。樹之連理。同人之義足徵矣。

向人乞覆姓 凶

占 覆姓。重姓也。向人乞覆姓。主重有異姓之憂乎。夢此者。主外孝服。主外來口舌。可憂可慮之事。種種繼至。以勿與外事。及多開口為戒。是非莫管。庶幾可免其咎云。

失姓字 凶

占 主疾病。主失脫。大者傷身遭盜。小者頭目眩痛。被損首飾上服。老者病死。少者喪父。婦人易所。天不祥之兆也。

羨慕別姓 吉

占 舍己從人。樂取于人以為善。改過自新之兆也。凡得是夢。必悟昨非。能成今是。疇看氣宇維新。規模宏整。將大有成就。顯親揚名。奮志直上之兆也。

劉琰字彥玉。夢中忽自訝其姓之無奇也。欲易姓。印旁一人授之匙五枚。曰。此汝所掌。非汝所姓也。速改汝素行。姓無容易也。既覺異之。蓋琰性嗜遊。以俠烈為事。自得夢後。便謝平日所交。閉關讀書六年。成進士官。遂昌尹。五轉而至少府監。所司印凡五。一如夢中所指云。

書姓懸樹上

非實非空。不即不離。一身無主。喜有依傍。在松竹。則氣凌霄漢。在梅栢。則節操冰霜。在梧桐。則孤潔。

占 在梅桂等則名騰四字。在桃柳等則裘馬風流。隨樹推之。自可了然于吉凶也。若桑楓等樹。則大可憂。可患。更當以時審之。

王凝之讀書。喙山。苦其學之難成也。聚經史古冊數十卷。置几上。焚香禮之。祝曰。三年後學無成。吾送汝于江心。同葬魚腹中。是夕夢一偉丈夫。身衣五綵。引之至古廟。廟中惟一梧樹。謂王曰。此汝兆也。因與書文兩卷而去。王熟視梧上。有帛數尺。色青。朱書其上曰。州司馬王終此。忽覺不悟。後三年。帥府辟為青州掾。進參幕府。踰年秩司馬。王忽念前夢。嘆曰。吾其已乎。力辭免官。歸林。未幾而卒。明曹鼎赴京會試。夢書姓香櫟樹上。而旁有一鼎爐。其年狀元及第。果驗夢云。

姓在天上 大吉

占 夢此者。主名揚身貴。四海仰慕。朝廷倚重。子孫綿永。世食天祿。享天爵。有位者立登台鼎。無位者芥取鼎元。武將夢之。鷹揚宇宙。樹勛絕域。拜將封侯。與國休戚。病人夢之。主危。幼豎夢之。他日飛黃騰

踏。如夢他姓者。主應在外家。官訟夢之。必大勝。謀財夢之。定脫空。

地上拾得遺姓 吉

占 地有姓。地主之所遺也。彼失而我得之。則我將主其地也。以姓遺我。欲我易之也。得夢者益田疇。增產業。添進人口。俱大有利。在外夢之。主拾遺金。無子者夢之。主生女。或得路旁。或異姓佳兒。或婢妾生子。地。坤也。地上有姓。乾也。坤乾合而家道成。子嗣興。女人夢之。生貴子一。貴女一。皆屬長。如居次皆不能無殤折之憂。其據理推之。

天象顯姓

廣東永州府寧遠雷震遠。初為縣吏。居廨中。一夕。縣令夢雷聲大作。有一星墜公廨上。明辰令坐廳。諸曹咸行列。獨震遠未赴。問其故。曰。夜生一子。令驚急。呼出。語以夢。且曰。此異子。當謹視之。後子名復。年二十二登第。官至禮部右侍郎。右副都御史。震遠得贈如其子官云。

黃蛇遶腹

廉使荆茂在孕時。母翟夫人常夢黃蛇遶腹。至婉
妊乃止。幼嘗受學龍泉鄧先生之門。即進士鄧球
父也。先生亦夢黃龍掛館後樹間作聲。既覺。自想
此夢非常。因推黃者金色也。其金姓之兆乎。次早
起。閉門靜坐以驗。時荆後至。向館外蠟樹呼反啓
門。先生驚曰。何物小子乃爾。蓋是時已識其為異
物矣。以荆金同音云。公嘉靖二十二年。為浙江廉使。官終吏部左侍郎。

應他人姓

一士人至九仙廟祈夢。初夢仙語之曰。胡蘆未生
其年下第。後及期再往祈之。則夢仙曰。胡蘆已生
是年又下第。又及期祈之。則又夢仙云。胡蘆未成
是年又下第。其士人偃蹇不復往祈。亦不得第。一
日為同儕所拉。復往祈之。夢仙云。胡蘆已成。士人
驚寤。向同儕言之。俱不能解。是年遂得第。觀榜其
前一人姓胡。後一人姓盧。皆弱冠。計其年。則始祈
夢時皆未生也。聞者莫不神之。且知功名遲速有
定數云。

○○○定數

帝與年齡

帝者。天之主宰。命令不爽。故曰死生有命。又曰壽
夭莫非命。夢帝與年齡者。修短之數。一定不易。此
正命也。但當順受而已。若有忠臣孝子。請以身代
願。減已壽以益君親者。必能感動上帝。天命為之
日 占 轉 移

文王有疾。武王不說冠帶而養。旬有二日乃間。文
王謂武王曰。女何夢矣。武王對曰。夢帝與我九齡
文王曰。女以為何也。武王曰。西方有九國焉。君王
其終撫諸文王曰。非也。古者謂年齡齒亦齡也。我
百爾九十。吾與爾三焉。文王九
十七乃終。武王九十三而終。

神告壽數

龔明之幼逮事祖母李。李自言少嘗大病。夢神告曰。與汝七十七。及期果病且革。明之齋心屏處。夜禱於天。乞減已五齡。以益李壽。灼香於頂者七。聞腦後有爆裂聲。不為動。詰旦李病良愈。又五年乃卒。明之以諸生貢京師。鄉貢年已六十。或勸少匿其數。為異日計。明之笑曰。吾平生未嘗妄語。且不敢自欺。卒書其實。晚以特恩。廷試授高州文學。年逾八十。

享國成算

貴為人君。富有國家。享年永不永。傳世久不久。豈非天命乎。豈無成算乎。夢中神告之者。其數已定。日占。其兆預聞將來。應驗。若合符節。晉成公之生也。其母夢神人謂曰。使有晉國三。而異驩之孫。後子景公。孫厲公。相繼立為三世。乃至悼公。悼公。驩之孫也。

十二為期

公孫述威震益都。夢有人語之曰。八歲子系十二為期。覺謂其妻曰。雖貴而祚短。若何。安對曰。朝聞道。夕死尚可。况十二乎。會有龍出其正殿中。夜有光耀。述以為祥瑞。刻其掌文曰。公孫子。逐自立為天子。號成家。色尚白。建元曰。龍興元年。至十二年。漢滅之。

上天第十九子

清河崔靈運。為上府參軍。夢上天謂已曰。蕭道成是我第十九子。我已授位。自三皇五帝至齊。受命天子。凡十九君。是為齊高祖。

陳氏世數

陳武帝未即位。有直閣史史浦。夢神人朱衣執玉簡。自天而降。至太極殿。曰。陳氏五帝。年三十二。及後主降隋。史浦歎曰。朱衣金字。一如其數。噫。

十六之數

晉謝安還都。語所親曰。昔桓溫在時。吾嘗懼不全。忽夢乘溫輿。行十六里。見一白雞而止。乘溫輿。代其位也。十六里止者。今十六年矣。白雞肖酉。今歲酉。吾病其始乎。卒年六十有六。

著數

著。莖草也。龜筮傳曰。王道得而著莖長丈。其叢生滿百莖。上有黃雲覆之。下有神龜守之。撰著之法。大衍之數五十。止用四十有九。分二枋一。撰四歸奇。四營而成變。三變而成爻。十有八變而成卦。凡夢此者。祿位名壽。事

物之數。不過五十。

齊褚彥回少病篤。夢人與卜著一具。遂痊。果年四十九而薨。

孫承祐為錢俶中吳節度使。降宋。徙泰寧軍節度使。少嘗夢人以著草一本。增其一而授之。既寤。以語所親曰。大衍之數五十。其用四十九。今增其一。吾壽至五十乎。後果年五十而卒。

二字加點

楊大年。年三十七。為翰林學士。晝寢。夢懷玉山人來謁。出一牒。字云。三十七。大年驚曰。得非數乎。懷玉以筆點三字為三字。年四十七而卒。

孔子之年

譙周夢見孔子。周曰。昔孔子七十三而歿。吾今年過七十。恐將不免。明年果卒。

七九之年

唐李德裕為新繁縣令。鑿東湖。夜夢一老人曰。某潛形其下。幸庇之。明府富貴。今鼎來。七九之年。當相見於萬里外。後於土中得一蟻。徑數尺。投之水中。而德裕以六十三卒於朱崖。果應七九之讖。

當食萬羊

李德裕為衛國公。分司東都。一日召僧問休咎。僧曰。公災當萬里南去。平生當食萬羊。食九千五百矣。李曰。元和十三年。嘗夢行晉山。山中盡目皆羊。有牧童十數。迎拜曰。此侍御平生所食萬羊。吾不

洩言於人也。俄而米暨饋金。封上書准羊四百。僧歎曰。至此已為相公所有矣。及旬貶潮州司馬。連貶崖州司戶。竟歿於崖州荒裔。

四十當貴

裴寂過華山祠。祈神自卜。夜夢一老人曰。君年踰四十當貴。後果然。

一榜二十六人

員外郎樊系。未應舉前一年。嘗夢及第榜出。王正卿為榜頭。一榜二十六人。系官帶陽字。明年方舉。登科之後。果是王正卿為首。人數亦同。系又自授書郎。調選吏部侍郎。達奚珣深器之。一注金城縣尉。系不受。珣云。校書得金城縣尉不作。更作何官。系曰。不敢嫌畿尉。但此官不是系官。珣云。合得何官。系云。夢官合帶陽字。珣歎曰。是命也。因補涇陽縣尉。

鹿皮之數

吉士瞻夢得鹿皮十一領。及覺喜曰。鹿者祿也。吾當居十一祿乎。自其仕進所蒞。已皮及除西陽武昌二郡太守。心惡之。遇疾不肯療而卒。

前後各三年

興化黃廓無子。攜妻妾禱羅漢堂。祈夢。夢羅漢云。前後各三年。後妻生子杰。妾生子燾。同歲生。非三年也。至淳熙甲辰。杰登第。丁未。燾繼之。相去乃三年云。

神示科名

聰明正直而為神。有所必應。有感必通。無私祐。不虛美也。夢示以科名者。其人才德兼全。富貴可待。故遭逢之會。適當發達之期。此榮通之定數也。智者詳之。

宋泉州府治西鐵爐廟之神。曰應魁聖王。士子求科舉者多謁夢於此。慶元四年秋。曾從龍禱於廟。夢有幅紙示之云。兩爵並躍於今秋。一薦獨橫於天下。是科兄弟同舉。明年春。果擢狀元。

四十年前事

宋泉州士子曾從龍。夢一人屈指數云。四十年前事。明年春及第。蓋泉自梁克家大魁後。至從龍方四十年故也。

曆十五冊

莫行人灑會試時。中一百八十六名。同年童僉憲軒問先此有夢否。莫云。夢人授黃曆十五冊。不可解。童云。曆十五冊。得一百八十月。三年一閏。五年再閏。積十五年得六閏。非一百八十六乎。莫始知夢之巧如此。

喝六作五

許叔微少時。以登科禱神。夢神告曰。汝欲登科須憑陰德。叔微自念無力。惟醫可通。人無高下。所活甚多。後夢神授詩曰。藥有陰功。陳樓聞處。堂上呼盧。喝六作五。是歲登進士第六名。上一名陳祖言。

下一名陳材。及傳臚。恩如第五名授職。

詩篇應珠數

進士謝諤家于南康。舍前有溪。諤為兒時。嘗夢浴溪中。有人以珠一器遺之。曰。郎吞此。即明悟矣。諤度其大者不可吞。即吞細者六十餘顆。及長。善為詩。裴說為選其善者六十餘篇行於世。

○○○報應

帝所甚樂

趙簡子疾。五日不知人。大夫皆懼。醫扁鵲視之。出董安于問扁鵲曰。血脉治也。而何怪。在昔秦穆公嘗如此。七日而寤。寤之日。告公孫支與子輿曰。我之帝所甚樂。吾所以久者。適有學也。帝告我晉國將大亂。五世不安。其後將霸。未老而死。霸者之子。且令而國男女無別。公孫支書而藏之。秦讖於是兆矣。獻公之亂。文公之霸。而襄公敗秦師於殽。而遂荒淫。此子之所聞。今主君之疾與之同。不出三

日疾必間。間必有言也。居二日半。簡子寤。語大夫曰。我之帝所甚樂。與百神游於鈞天。廣樂九奏。萬舞。不類三代之樂。其聲動人心。有一熊欲來援我。帝命我射之。中熊。熊死。又有一羆來。我又射之。中羆。羆死。帝甚喜。賜我二笥。皆有副。吾見兒在帝側。帝屬吾一翟犬。曰。及而子之壯也。以賜之。帝告我。晉國且世衰。七世而亡。羸姓將大敗。周人於范魁之西。而亦不能。有也。今余思虞舜之勳。適余將以共胄女孟姚。配而七世之孫。董安于受言。而書藏之。以扁鵲言告簡子。簡子賜扁鵲田四萬畝。他日簡子出。有人當道。辟之不去。從者以聞。簡子召之。曰。請。吾有所見。子晰也。當道者曰。主君疾。臣在帝側。簡子曰。然。有之。子之見我。我何為。當道者曰。帝令主君滅二卿。夫熊與羆。皆其祖也。簡子曰。帝賜我二笥。皆有副。何也。當道者曰。主君之子。將克二國於翟。皆子姓也。簡子曰。吾見兒在帝側。帝屬我一翟犬。曰。及而子之長。以賜之。夫兒何謂。以賜翟犬。當道者曰。兒主君之子也。翟犬者。代之先也。主君之子。且必有代。及主君之後嗣。且有革政而胡服。并二國於翟。簡子問其姓。而延之。以官。當道者

得藥療母病

曰。臣野人。致帝命耳。遂不見。後二年。中行文子。范昭子作亂。簡子逐范中行。而竟有邯鄲。桓人之地。奉邑侔於諸侯矣。簡子卒。襄子立。遂并代也。而滅智伯。至武靈王。胡服騎射。而趙益强大。

借錢千萬

周。犇貧。夜耕。因卧。夢天公過而哀之。司錄案籍。此人相貧。限不過此。惟有張車子錢千萬。車子未生。請以借之。天公曰。善。

索所借十七萬

初。梁武帝在襄陽。曹武厚饋曰。卿必太貴。我當不及見。今以弱子相托。時武帝在戎多乏。亦向曹武

借至十七萬。及即位。忘其惠。天監二年。夢如田。膝下行。兩邊水深無底。甚懼。忽見曹武來。負帝得過。曰。卿今為天下主。乃忘我顧托之言耶。我兒飢寒。昔所借十七萬。可還其市宅。帝覺。即使主書送錢。還之。使市宅。曹子世。澄世宗。並蒙擢用。

欠柴七千七百束

汝州刺史柳凌。夢一人呈案。言欠柴七千七百束。公時韋正。買署軍事判官。柳因訪之。曰。柴。薪木也。公將不久乎。月餘。柳疾卒。韋查鑑簿。唯官中欠柴七千七百束。披案方省前夢。

二十年前事

潭州旅店主人程二。有子年未冠。屢謀弑父。所厚者恐累已。乃首之帥府。真德秀逮赴左院推勘。即準伏。索到鼠尾刀解。官問其故。則卒無說。鄰里云。常挾利刃。其謀叵測。但其問並無他故。獄成而真改送府院推勘。亦如前款。真疑展轉歲餘。忽夢神告之曰。此無怪其然。乃二十年前事耳。及旦。換程

二屏左右言。今日獄已成。但爾心下別有何事。程倉皇良久。曰。無事。真曰。爾二十年前。做甚麼事來。此事我知悉。爾其無隱。程二啞然曰。二十年前。有馮山行者。在店安歇。欲買度牒。因貪其財物。殺而籍其產。千緡。復審其子。又無說。真曰。爾別做生計。不見父何如。其子曰。不願做生意。若得千貫錢。買本度牒。馮山出家去。真遂以所籍家產千緡與之。果被刺出家於馮山。程二編管於建昌軍。

有罪震死

廬山賣油者。養其母甚孝。為暴雷震死。其母自以無罪。日號泣于九天使者之祠。願知其故。一夕。夢朱衣神告之曰。汝子恒以魚膏雜油中。以圖厚利。凡齋醮用此油。則腥氣熏烝。神靈不降。震死宜矣。母遂不復號泣。

服藥去病

張汝明事親孝。執喪哀毀。疋羸。行輒踣。夢父授以服。天南星法。用之驗。人以為孝感。宋陳宜中。夢人告曰。今年天災流行。人死且半。服大黃者。生。後疫癘大作。服者果不死。丘傑。烏程人。年十四。遭母喪。以熟菜有味。不嘗於口。歲餘有病。忽夢母曰。死。止。分別耳。何事。乃爾。茶苦。汝噉生菜。遇蝦蟇毒。靈床前有三丸藥。可取服之。傑驚起。果得甦。甦中有藥。服之下。科斗子。數升。丘氏世寶。此甕。

解監軍禍

周世宗嘗疑涇帥史懿欲叛。密詔晉州節度使楊廷璋使陰圖之。廷璋明其無他。懷詔善見之。懿曰。死不敢辭。乞免妻子。廷璋屏左右。語之曰。吾以百口保君。君單騎入朝。可也。懿從之。遂得免禍。及宋有天下。廷璋猶在晉。監軍荆軍儒者。疑廷璋周之戚里。近親也。欲殺之。以為己功。每見必襲甲。懷刀廷璋知之。待以誠心。略無疑畏。會春日當宴。罕儒風。與尚蚤。徘徊獨語曰。事久變生。今日不可失也。因假寐。恍惚如夢。有神人謂曰。廷璋忠實無異志。不可妄殺。驚覺汗下。海泣擲刀于地。徑造廷璋。再拜謝過。具言所夢。廷璋愕然曰。有是哉。吾昔者亦夢神人來告曰。汝有陰德。天固報汝。吾為汝解監軍之禍。可保無虞也。吾夜半起坐。命門客書幅紙記之。方欲與君語而未敢也。因探諸懷以示宰儒。其所言神人容貌衣冠劍履無差焉。二人相持而泣。結交終身。嗚呼異哉。世所謂陰報者。豈誣也哉。豈可忽也哉。

飛雲渡免水厄

輟耕錄云。飛雲渡風浪甚惡。每有覆舟之患。有一少年子。放縱不羈。嘗夢神示曰。汝之壽莫能踰三旬。且不得其正死。乃徧叩日者。言亦多同。于是少年自謂非久于世。乃不娶妻。不事生產。每以輕財仗義為志。嘗俟船渡傍。見一丫鬟女子。徘徊悲戚。若將赴水。少年亟止之。問曰。何為輕生如此。答曰。我本人家小婢。主人有姻事。暫借親眷珠子耳。環一雙直鈔三十餘錠。今日送還。竟于中途失去。

寧死耳焉敢歸。少年曰：我適拾得，但不審果是汝物否。方再三磨問，顯數裝束，實是遂同造主人。主人感謝，欲贈以禮，辭不受。既而主人怒此婢，遣嫁業柿刺者。所居去渡所咫尺間，期歲，少年與同行二十有八人將過渡，道遇一婦人，拜且謝，視之，乃失環女也。因告其故于夫，強畱午飯，餘人先登舟，俄風濤大作，皆葬魚腹。蓋少年能救人一命，而造物者亦救其一命，以答之。後少年以壽終，渡在溫之遂安。

助貧抹溺

浮梁戴公珊家食時，課業水次之小樓。夜夢二鬼共語云：明日有婦投水，吾得代矣。及旦伺之，果有蓬首少婦，向水而泣。將自溺，公下樓呼問之，訴曰：兒里中某甲妻也。某甲飲博，罄我嫁資，今貧逼我為娼，兒本良家子，誓不肯從。寧溺死無貽父母羞。公止之曰：汝計左矣。死者不可更生，因令鬪人雷丙茶湯，頃之，狂夫喘而呼其妻。公正語責之曰：汝何逼妻至此。即貧不聊生，我有銀一笏資汝。夫婦泣拜而去。是夕又夢二鬼歎曰：三年汨沒，待得替身，又被尚書救却，奈何奈何。後公為都御史，進尚書，致仕。

代償嘉行

宋雪人朱承逸為本州孔目。五鼓趨郡，過駱駝橋下，哭聲甚哀，使僕視之，有男子携妻孥，將并命于此。蓋負勢家三百千，倍息督責，不能償也。朱惻然諭止，且護之歸。正值諸悍僕誑索于門，朱曰：以三百千故，而溺死一家之命，可乎。示吾原券，吾當代償。母錢，債家慚而聽之。橋下人感泣，請為奴婢，不受。仍資以二百千而去。後承逸一夕夢神告曰：君能捐財以活四命，陰功非小。當賜汝二孫，並得貴顯。是年即生孫服，皆登科著名。

〇〇〇 襍驗

泗州護正

夢林正解

卷二十三

襍驗

三

夢占

惠州太守方君之夫人。奉佛甚虔。一夕夢泗州大聖來別云。將送蘇子瞻。過海遂詰之曰。幾時當去。答曰。八日去。果如所言。參寥以詩誌之曰。臨淮大士本無私。應物常于險處奇。親護舟航渡南海。知公盛德未全衰。

第十一八

宋三山蘇大璋治易有聲。戊午鄉舉。夢為第十二人。數為人言之。既試有同經人訴于郡。謂其自許之確如此。必將與試。官有約。乞究治之。及拆號。第十一名果易也。師携此狀入院。徧示考官。謂設如所言。諸公將何以自解。不若以待補首卷易之。衆皆以為然。既拆號。則自待補為正解者。大璋也。由正解而易為待補者。乃訴牒之人也。次年蘇遂冠南宮。齊東野語詳載其事。

佳地不與汚吏

王聞脩先生傳太上感應篇棄法受賂一句。引見閩紀訓云。余友歸安仰思忠質直爽。閩精堪輿家術。閩故方伯何公。先為湖州太守。其壻六合尹林克正。知思忠乃延之入閩。為方伯公擇葬地。而其姻某氏亦欲葬父。因送過其家。連日探幽涉險。得一地甚佳。方點穴間。雨驟至。遂下山。約天晴再往。是夜思忠夢一老者問曰。今日之地佳乎。曰。佳。曰。此切勿與之。此人為考官。賣三舉子。當有陰禍。若葬此地。法當榮其子孫。非天意矣。明日思忠因問克正曰。昨大尹公先為何官。其官業何如。曰。先為某縣教諭。轉此官。不久遽卒。他無所短長。但聞為考官時。通關節。得賄甚多。鄉評以是少之。思忠惕然內警。遂托故辭歸。越二三年。遇其鄉人。問某大尹葬何所。其人曰。因與勢家爭墳地。致死人命。官事牽纏。至今未葬。家業亦且凋落矣。思忠每與余道此。相對歎異。人之素行不可玷。福地不易得。而冥報之說。不可不信。

受賄奪爵減算

見聞紀訓云。荊州府推官魏釗。廣東人。嘗往夷陵州。檢屍道經某鎮。有鄉宦徐少卿台宗者。素奉梓

童神極靈。忽夢神告曰。明晚本府魏推官過。此其人前程遠大。後當入銚曹。可預結納之。應得其力。遲明偵之。果然。少卿乃具衣冠。謁款甚勤。因留宿焉。執手鄭重而別。魏去夷陵。不數日。少卿復夢神告曰。可怪魏推官。此去受賄數百金。故出人罪。使死者含冤之極。上帝已盡削其應有爵秩。并年壽亦不永矣。惜哉。少卿深用歎訝。試遣人往夷陵。踪跡之。果不誣。未幾。魏丁母憂歸。復補濟南。尋陞戶部主事。纔一年。遽卒于京邸。家亦凋落云。

酷吏得疽報

溧陽狄某。尹雲南定遠縣。縣有富翁死。其婦掌家。擁數萬金。叔垂涎而訟之。私囑尹曰。所追得者。請中分其貲。狄因拘婦拷訊。至以鐵釘釘足。滾水澆乳。追貲四萬金。而叔與尹分有之。婦遂賫恨以死。後狄罷歸。一夕夢此婦。手持一小團魚。掛于臥床而去。既覺。驚疑不已。未幾。遍體生疽。如團魚狀。以手按之。四足俱動。痛徹骨髓。晝夜號呼而死。五子七孫。皆患團魚疽。相繼死。

大曹降爵

侯鑑為江夏令。與勝緣山長老居約有舊。時時往訪之。每往必已先具。一日又至。延待殊闕。鑑私問之。居約曰。公每至。土地必先報。此番不報。是以失款待也。鑑大驚。密諭居約。使問土地。所以是夕居約夢曰。侯鑑合作宰相。于吾有統攝。故報。今為受胡氏銀六十兩。枉斷其事。天曹已削奪宰相作監司矣。吾無統攝。是以不報。

尊德推位

宋張忠定公詠守成都。嘗夜夢謁紫府真君。坐定。吏忽報請到西門黃承事。真君降階接之。禮甚恭。且揖公坐。承事之下。明日遣人請承事。比至。果如夢中所見。公告之。故問平日有何陰德。承事云。無他。長惟每歲禾麥熟時。以錢收糶。至明年新陳未接之時。糶與細民。價值不增。升斗如故。公曰。此宜坐我上也。承事後。齋繁衍。青紫不絕。

獄枉訴冥

趙時為無為軍教授。夢一囚曰。某不幸。為祖翔枉殺。時曰。祖公明法律。又處已廉謹。安有枉者。囚曰。某死雖非祖意。因其一疑。遂至移獄。竟以論死。寬有所自。非翔而誰。某已訴于冥司。翔不久矣。月餘果卒。

如意時暴死

雷申錫者。江西人。紹興中。一舉中南省高等。廷試前三日。客死都下。捷音與計。踵至鄉里。其妻日夜悲泣。一日。夢申錫如平生。自言我往為大吏。有功德于民。故累世為士大夫。然常入死囚。故地下罰我。凡三世。如意時暴死。前一世仕久連蹇。後忽以要官占入都門而卒。今復如此。凡兩世矣。要更一世。乃能償宿譴耳。

妬殺受報

劉道源為蓮溪令。既解官。宿秦氏家。夢一婦泣訴曰。某即秦氏妻也。夫有一妾。不肯相下。某因怒。捶殺之。為妾所訴。陰君處某以死。且謂某毒狠。謫墮為羊。見在秦氏欄中。明日將充君庖。某之死。固合有分。但腹有羔。若因其而受烹。業愈重矣。願賜一言寬免。劉待旦言之。則已宰矣。秦氏舉家大哭。納羔其腹。瘞之別墅。

活億萬命以延餘算

富商楊序。宣和間。夢神告曰。子逾正當死。若能救活億萬物命。可以獲免。序曰。大期已迫。物命有限。未易滿數。神曰。佛書有云。魚子不經鹽漬。三年尚可再活。曷不圖之。序于是大書神語于通衢壁間。由是人皆知戒。見人殺魚。即取其子投之江中。月餘。復夢神曰。億萬之數已滿。壽可延矣。既而果得終壽。

鬼破私術

禳驗 夢占

王開脩先生傳太上感應篇以私廢公一句有云
 汪玉山起為大宗伯知貢舉將赴京約故人某至
 富陽一寺中與同宿私語之曰某此行獲預貢舉
 占試程文當于易義冒子中爾三古字其人感悅
 而去玉山既入闈搜易卷中果有一卷正合遂真
 前列拆卷非某也數日某遠焉玉山以其售之他
 人也切責之某言無之但臨場病作不能進棘耳
 他日中式者來謁玉山問曰公文則誠善矣然易
 義冒中用三古者何中者對曰茲事甚怪某來就
 試時假宿富陽寺中見一棺停廡下僧指曰此官
 員女也殯且十年矣無人來葬是夕夢一女子曰
 妾某官女今有一言相告子今就試可于易義冒
 中用三古字必中榜歸途過此乞為妾營葬今將
 葬之玉山驚歎不已夫世之以私廢公者寧不慮
 幽暗中有鬼神竊聽
 之以破其計者乎

助非被謹

楊開治丹陽楊詢為客開性暴橫每事咨詢詢雖
 明知其非而不敢忤一切歎美而已開于暑月怒

答其吏詢特是之并答囚四十餘人兩人已斃詢
 猶從旁稱快其夕夢神語之曰佐祭得嘗佐鬪得
 傷汝數數成尹之惡
 大限及矣未幾卒

不恐敗稼獲福報

王間脩先生傳感應篇敗人苗稼一句云予初聞
 先大夫云吾邑數十年前有兩富人互相仇其一
 有田既下種矣其一密召僕某與稗數斗令夜散
 彼田中僕念彼家力作何忍誤之然迫于主命不
 得已乃私蒸其稗其主潛行察焉則僕已遍布之
 矣已而皆不生其事秘無人知者後僕之子登進
 士僕竟受封典老且病自度不免矣忽夢一人告
 之曰以爾某年某月日事予爾貴子今更延爾壽
 勿憂慮也僕方與子孫言之
 病亦果愈又享祿數年乃卒

破婚不第

樂善錄云侍郎孫洪少時與一同舍生遊太學相
 與約無得隱家信一日同舍生得書秘不以示孫

固索生出示之。書云。昨夢至一官府。閱登科籍。汝與孫洪。皆列名籍中。洪名下有朱字云。于某年某月。不合寫離書。不得過省。孫愕然。生問果有是乎。孫曰。向東上。在某州。適見某翁媪相詬求離。某輕易為寫離書。不意上帝譴責。乃爾。及就試。生果高中。而孫下第。方信前夢為不誣也。生曰。某西歸。當為合之以契天心。因問孫向所遇人姓氏。尋跡得之。夫婦俱未有偶。生為具道前事。置酒合之。馳書報孫。孫感悅。其後孫以太學內舍生免省。歷躋膺仕。屢典大郡。所至有離婚之事。未嘗不為宛轉調護。

九人之外公宜察之

郭黃中知雲安軍。十里外有樓霞宮。公一日詣宮。燒香。夢神告曰。公惠此邦。邦人受賜多矣。然有隱匿。不敢不告。明日有解屠牛者至。九人之外公宜察之。詰旦。巡檢司果縛九人解來。有一兵自言捉獲。欲請功賞。蓋牛乃兵殺。嫁禍九人。公一詰遂伏。

數應無靴

七修類稿云。嘉靖甲午。浙江考試官馬呈瑞入簾之名。簾中驛丞張煥。夢考官騎後繫婦人之首。騎奔入場。張逐之。人頭曰。勿救彼。我特來報仇耳。覺以告諸同事者。無何。聞考官病。御史以張善醫。令入侍之。則馬不可治矣。馬時尚了。但云驛丞為我逐此婦人。張詢其僕。乃知考官前任鎮江時。所死淫妾金氏。昨過其地。遂動心得疾。及死前一日。語諸官曰。勿嘗于九鯉湖。夢中舉後。復入貢院。欲易靴。而或曰。汝無靴矣。昨入簾。見靴不可得。今非死之數乎。嗚呼。果報之說。有之耶。有之。乃奇怪也。警人以。

債恨兩償

武陵陳孝廉之父。嘗遣家僮。收債于後邨某。某無以償。家僮大恚。遠以手碗擲其面。而諍之。某心恨甚。久之。俱物故矣。而孝廉家有畜犬。頗馴。一日突入鄰家。齧其女孩頸。見血。孝廉以犬屏之。故為鄰

所誦遂擊殺犬。夜夢人語之曰。我後邨某也。宿負公家穀六石。業爲犬守六年。償矣。所齧鄰女。則公之故家僮也。以擲碗宿憾。故齧頸相報。今寃債俱已盡。而向所貸註籍。尚未銷。願賜憐愍。答。孝廉檢文。故篋得券焚之。

巧營獲譴掩骼登科

閻然堂類纂云。巫山士人。以關節豫購試目。自謂得雋。猶掇之也。比赴省試。策馬過潼川之射洪山。山有飛石巖。峭壁抖絕。下瞰江流。忽飛石自空而墜。正中士人首斃之。從者駭散。棄屍不收。會同庠某繼至。樞而殮焉。殯于寺。期以異日歸葬。是夜夢死者告曰。某以妄營。自速天譴。蒙君收掩遺骸。願奉試目。助君得雋。所以報也。同庠某果預解。遂返其樞。而巖際鑿石肖士人。中石墜馬之像。至今尚存焉。

禮獨譴

羅鞏。大觀間遊太學。有神祠甚靈。鞏每以前程祈禱。一夕夢神告之曰。子已獲冥譴。可急還。鞏曰。某生平無大過。願聞獲罪之由。其神曰。子無他過。惟父母久不葬。鞏曰。家尚有兄。何以獨蒙譴乎。答曰。以子服習禮義。爲儒者。故任其咎。子尼碌碌。不足責也。鞏悔悟。束裝而歸。道卒。

念萌異感

龔仲和。李長蘅。素心之交也。一日長蘅過仲和。留宿其家。仲和尚未寢。徐步庭中。翫月。頃之。長蘅已覺。見有人在庭。問之。則仲和也。因謂之曰。適得一夢。甚可笑。夢與子同坐此齋。忽有黃冠數人。排闥而入。直來。毆子。吾力爲解之。去已復來。又如前解之。仲和聞其言。愕然曰。異哉。適亦欲眠。見月色可戀。聊步于此。偶思此庭小。此外及黃冠。閔地也。意欲以善價。小展二肘。不意遂見子夢。此事若行。其爲後日爭端乎。因相與歎息而寢其事。

參寥兆應七年前

參寥泉在浙江杭州府西湖之北寶雲山智果寺蘇子瞻記畧云僕在黃州夢參寥子賦詩有寒食清明都過了石泉槐火一時新之句後七年守錢塘而參寥子卜居智果院有泉出石縫其冷宜茶寒食之明日僕自孤山來謁參寥子汲泉鑽火烹茶劇談玄理竟日而別因憶所夢已兆于七年之前故各之曰參寥泉

天一生

生生泉在江西廣信府城察院堂西皇明餘姚翁大立記云嘉靖丙午予以刑部郎中審錄江西踰年五月至廣信即御史臺居之將復命從史皆病疫臺中有怪物狀類狗而大每夜分即來來即餐厨具去繚垣無竇扃戶皆弗啓也時信城大疫民間鳴金伐鼓驅疫鬼聲徹昏曉從史聞之皆恐畏死泣且告予予乃蕭衣冠藏燈密室待之夜分果來命諱人遮擊擊數百乃死疫者疑稍解忽夢神人語曰君從者病惟天一能治之明日且至明日為六月朔也予蚤起戒門者曰有稱天一

生者至無雷門日晡無報至者予循除散步且疑且思忽堂之西偏有地津津然以物發視至尺許清泉湧出竇從乾方來若噴沫狀飲之寒且甘予喜曰天一生水神人告我哉遂命疫者人飲數瓢即愈既而城中疫者羣飲之無不愈乃命工采石甃為井而名之曰生生

贈金延算

真州一巨商每歲販鬻至杭地有神著靈商禱焉夜夢神示曰汝分中錢財頗多惜乎中秋前後三日內數不可逃既覺心甚鬱鬱即戒程時八月之初舟次楊子江見江濱一婦仰天大號商問焉答曰妾之夫作小經紀止有本錢五十緡每買鷺鴨過江貨賣歸則計本于妾然後持贏息易柴米餘資盡付酒家率以為常今妾偶遺失所留本錢非惟飲食之計無所措亦必被篋死寧自沉商聞之歎曰我今厄于命設令鑄金可代我無虞矣彼乃自天共生哀哉亟贈錢一百緡婦感謝去商至家具以夢中之言告父母且與親戚故舊叙承訣閉戶待盡父母親故宛轉寬解終弗自娛踰期無他

故復之杭舟阻風偶泊向時贈錢處登岸散適此婦襁負嬰孩遇諸道迎拜且告曰自蒙恩府持拔數日後乃產母子二人沒齒感再生之賜者豈敢忘哉商至杭復禱于神又夢神人示曰汝本當死冥司以汝活二命陰德賜汝壽終商益感神之靈捐貲以新廟貌焉

白寃陰府

北齊尚書左丞盧斐巧伺上意致位台司時有陽翟太守張善苛虐貪饕惡聲流布御史魏輝儁奉詔治之罪狀皆實善乃行賂訐奏以輝儁恃憲枉見推拷文宣帝信之欲窮正其事下斐覆驗斐見帝怒不為別白是非反傳成輝儁死罪而善倖免輝儁就市之夕令史夢輝儁曰我寃君所知也乞其楮筆隨我尸賂將白之于陰府爾一月善暴疾死又一月斐坐譏駁魏史為魏收所劾奏帝鳩殺之

公裳下穿出一尾

宋玉咨以強鷲處官紹興初為四川都轉運司幹辦公事被檄權井潼川躬自詰井盡令井戶承認丈額合認五十斤者必令倍認百斤利其沒官而官自煎也未幾井戶皆至破敗咨亦暴卒當死之夕楊使君夢咨來求救公裳下已穿出一尾既而逕入一鄰舍之門明日往詢乃生一牛

以惡報恩冥中奪魄

南齊蕭季厥粗猛無行善于彌縫高帝時為蕭湛所獎飾累為郡守在政貪穢謀輒掩之及湛見誅季厥啓收其弟誅深加排苦乃至手相推辱誅曰君不憶相提拔時耶幽冥有知終當相報後季厥為廣州刺史白日就几假寐恍忽夢見誅將兵入城收之少日果為周世雄所襲奔山中為蛭所嚙肉盡而死

暴殄天物冥司譴罰

宋紹興初郭普州印之之女名引鳳者一夕夢至一官府見無數罪人有婦人姓趙名十一二緝在廊

下。前列數堆帛。皆片碎段疋。及新舊無數衣服。引鳳問曰。此何罪耶。吏曰。此人好服綺羅。耗剪端疋。奉命一一補綻。復令成疋。更備受諸楚。乃得釋去。


趙士周夫人全氏既死。士周夢全氏謂曰。我生平耗費纏帛履鞮之物。及洗頭濯足。分外使水。陰司罪我。日加箠楚。苦不可言。幸為我設齋醮以解之。

枉殺訴冥

陳周士造直齊侍郎振孫之長子。登第為嘉禾。攝郡。一日宴客于月波樓。有周監酒者。勇爵代庖。于此乃趙與篆德淵之隸。是日適以小舟載客薄遊。初不知郡將之在樓也。周士適顧見周急。趨避。周士令詢之。知為周也。怒形于色。曰。某不才。望輕。遂為一卒相侮如此。乃窘撫其數事。作書達之于趙。備言賊濫過惡。時趙守吳。即日遣逮決脊。編置。仍押至嘉禾示眾。時方炎暑。周士乃裸而曝之。烈日中。瘡血臭腐。數日而死。時寶祐丙辰季夏也。是歲十二月。周士忽夢周指謂曰。汝屈打殺我。我已訴之陰府矣。不久汝當來與我對辨。後周士果疽發背而殂。

慢先靈蒙訓誠

着山主簿高邦佐。居父喪二七設齋。是夜夢父責之曰。汝初怠于齋事。僧眾庖人。皆不嚴潔。雖設無益也。惟今夕延僧宗順。素有定力。密契因果。兼所誦大明神呪經。及奏九天生人章。福我。餘功暨諸囚耳。自此邦佐終喪。無敢懈禮。



夢林玄解卷之二十三

廣林玄解

卷之三

三

